

彭蠡蠅將天合姑蘇在日邊寧親候海色欲動孝廉
船窈窕晴江轉參差遠岫連相思無晝夜東泣似
長川

送別

前人

斗酒渭城邊壚頭醉不眠梨花千樹雪楊柳萬條
煙惜別傾壺醕臨分贈馬鞭看君賴上去新月到
應圓

廣陵贈別

前人

玉瓶沽美酒數里送君還繫馬垂楊下銜杯大道
間天邊看淶水海上見青山興罷各分袂何須醉
別顏

送竇參軍

唐李頎

城南送歸客舉酒對林巒喧鳥迎風轉春衣度雨
寒桃花開翠幕柳色拂金鞍公子何時至無令芳
草闌

送盧逸人

前人

洛陽爲此別攜手更何時不復人間見祇應海上
期清溪入雲木白首臥茅茨共惜盧敖去天邊望

言
所思

送人尉閩中

前人

可嘆芳菲日分爲萬里情
閩門折垂柳御苑聽殘鶯
海戍通閩邑江航過楚城
客心君莫問春草是王程

送人歸河南

前人

梅花今正發失路復何如
舊國雲山在新年風景
餘春饒漢陽夢日寄武陵書
可卽明時老臨川莫羨魚

送賈恒明府兼寄溫張二司戶

唐綦母潛

越客新安別秦人舊國情
舟乘晚風便月帶上潮
平花路西施石雲峯勾踐城
明州報兩椽相憶二毛生

送孫秀才

唐王維

帝城風日好况復建平家
玉枕雙紋簟金盤五色瓜
山中沽魯酒松下飯胡麻
莫厭田家苦歸期遠復賒

送丘爲往唐州

前人

宛洛有清塵君行多苦辛
四愁連漢水百口寄隨
人槐色陰清書楊花惹暮春
朝端肯相送天子繡
衣臣

送孫二

前人

郊外誰相送夫君道術親
書生鄒魯客才子洛陽
人祖席依寒草行車起暮塵
山川何寂寞長望淚
霑巾

送嚴秀才還蜀

前人

寧親爲令子似舅卽賢甥
別路經花縣還鄉入錦
城山臨青塞斷江向白雲
平獻賦何時至明君憶
長卿

送岐州源長史歸

前人

握手一相送心悲安可論
秋風正蕭索客散孟嘗
門故驛通槐里長亭下
槿原征西舊旌節從此向
河源

送平淡然判官

前人

不識陽關路新從定遠侯
黃雲斷春色畫角起邊

言
愁瀚海經年別交河出塞流須令外國使知飲月
支頭

送方城韋明府

前人

遙思葭葦際寥落楚人行高鳥長淮水平蕪故郢
城使車聽雉乳懸鼓應雞鳴若見州從事無嫌手
板迎

送梓州李使君

前人

萬壑樹參天千山響杜鵑山中一夜雨樹杪百重
泉漢女輸檀布巴人訟芋田文翁翻教授不敢倚

先賢

送劉司直赴安西

前人

絕域陽關道胡煙與塞塵三春時有鴈萬里少行
人首宿隨天馬葡萄逐漢臣當令外國懼不敢覓
和親

送友人南歸

前人

萬里春應盡三江鴈亦稀連天漢水廣孤客郢城
歸鄖國稻苗秀楚人菰米肥懸知倚門望遙識老
萊衣

送賀遂員外外甥

前人

南國有歸舟，荆門泝上流。
蒼茫葭葦外，雲水與昭丘。
檣帶城烏去，江連暮雨愁。
猿聲不可聽，莫待楚山秋。

送邢桂州

前人

鏡吹喧京口，風波下洞庭。
赭圻將赤岸，擊汰復揚舲。
日落江湖白，潮來天地青。
明珠歸合浦，應逐使臣星。

送崔二往密州觀省

前人

南陌去悠悠，東郊不少留。
同懷扇枕戀，獨念倚門愁。
路遶天山雪，家臨海樹秋。
魯連功未報，且莫蹈滄洲。

送丘為落第歸江東

前人

憐君不得意，況復柳條春。
爲客黃金盡，還家白髮新。
五湖三畝宅，萬里一歸人。
知爾不能薦，羞稱獻納臣。

送孟六歸襄陽

前人

杜門不復出，久與世情疎。
以此爲長策，勸君歸舊

言
廬醉歌田舍酒笑讀古人書好是一生事無勞獻
子虛

送楊長史赴果州

前人

袞斜不容憶之子去何之鳥道一千里後聲十二
時官橋祭酒客山木女郎祠別後同明月君應聽
子規

送李判官赴江東

前人

聞道皇華使
夕隨皁蓋臣封章通左語冠冕化文
身樹色分楊
十潮聲滿富春遙知辨壁吏恩到泣

珠人

送錢少府還藍田

前人

草色日向好桃源人去稀手持平子賦目送老萊
衣每候山櫻發時同海燕歸今年寒食酒應是返
柴扉

洛陽東門送別

唐儲光義

東城別故人臘月遲芳辰不惜孤舟去其如兩地
春花明洛陽苑水綠小平津是日不相見鶯聲徒
自新

洛橋送別

前人

河橋送客舟河水正安流遠見輕橈動遙憐故國
遊海禽逢早鴈江月值新秋一聽南津曲分明散
別愁

秦中送人覲省

前人

二月清江外遙遙餞故人南山晴有雪東陌霽無
塵騎別章臺晚舟行洛水春知君梁苑去日見白
華新

隴頭水送別

前人

相送隴山頭東西隴水流從來心膽盛今日爲君
愁暗雪迷征路寒雲隱戍樓唯餘旌旆影相逐去
悠悠

送王員外赴長沙

唐賈至

攜手登臨處巴陵天一隅春生雲夢澤水溢洞庭
湖共嘆虞翻枉同悲阮籍途長沙舊卑濕今古不
應殊

送馮判官

唐高適

碣石遼西地漁陽薊北天關山唯一道雨雪盡三

言宿
邊才子方爲客將軍正渴賢遙知幕府下書記日
翩翩

送李侍御赴安西

前人

行子對飛蓬金鞭指鐵驄功名萬里外心事一杯
中虜障燕支北秦城太白東離魂莫惆悵看取寶
刀雄

送崔功曹赴越

前人

傳有東南別題詩報客居江山知不厭州縣復何
如莫恨吳歛曲當看越心絕書今朝欲乘興隨爾食

鱸魚

送魏八

前人

更沽淇上酒還泛驛前舟爲惜故人去復憐嘶馬
愁雲山行處合風雨興中秋此路無知己明珠莫
暗投

送劉評事充朔方判官賦得征馬嘶

前人

征馬向邊州蕭蕭嘶未休思深應帶別聲斷爲兼
秋岐路風將遠關山月共愁贈君從此去何日大

言
刀頭

送鄭侍御謫閩中

前人

謫去君無恨閩中我舊過大都秋鴈少只是夜猿
多東路雲山合南天瘴癘和自當逢雨露行矣慎
風波

別崔少府

前人

知君少得意汶上掩柴扉寒食仍留火春風未授
衣皆言黃綬只出早向青雲飛借問他鄉事今年歸
不歸

澹水東店送唐子還高陽

唐岑參

野店臨官路重城壓御堤山開灞水北雨過杜陵
西歸夢愁能作鄉書醉懶題橋回忽不見征馬尚
聞嘶

送宇文舍人出宰元城

前人

雙鳧出未央千里過河陽馬帶新行色衣聞舊御
香縣花迎墨綬關柳拂銅章別後能爲政相思淇
水長

送任郎中出守明州

前人

言宿
罷起郎官草初分刺史符城邊樓枕海郭裏樹侵
湖郡政傍連楚朝恩獨借吳觀潮秋正好莫不上
姑蘇

送張子東歸

前人

白羽綠弓絃年年只在邊還家劍鋒盡出塞馬蹄
穿逐虜西踰海平胡北到天封侯應不遠燕領豈
徒然

奉送李太保兼御史大夫充渭北節度使卽

太尉光弼弟

前人

詔出未央宮登壇近總戎上公周太保副相漢司
空弓抱關西月旗翻渭北風弟兄皆許國天地荷
成功

送襄州任別駕

前人

別乘向襄州蕭條楚地秋江聲官舍裏山色郡城
頭莫羨黃公蓋須乘彥伯舟高陽諸醉客唯見古
時丘

送李判官入京

前人

一身從遠使萬里向安西漢月垂鄉淚胡沙損馬

言
蹄尋河愁地盡過磧覺天低送子軍中飲家書醉
裏題

送韋侍御先歸京

前人

聞欲朝龍闕應須拂豸冠風霜隨馬去炎暑爲君
寒客淚題書落鄉愁對酒寬先憑報親友後月到
長安

送裴侍御赴歲入京

前人

羨他驄馬郎元日謁明光立處聞天語朝迴惹御
香臺寒栢樹綠江暖柳條黃惜別津亭暮揮戈憶

魯陽

送鄭少府赴滏陽

前人

子真河朔尉邑里帶清漳春草迎袍色晴花拂綬
香青山入官舍黃鳥度宮牆若到銅臺上應憐魏
寢荒

送張子尉南海

前人

不擇南州尉高堂有老親樓臺重蜃氣邑里雜鮫
人海暗三山雨花明五嶺春此鄉多寶玉慎莫厭
清貧

言不
魏州送天平何丞入京市馬

前人

關樹晚蒼蒼長安近夕陽回風醒別酒細雨濕行裝
習戰邊塵黑防秋塞草黃知君市駿馬不是學
燕王

送揚州王司馬

前人

君家舊淮水水上到揚州海樹青官舍江雲黑郡
樓東南隨去鳥人吏待行舟爲報吾兄道如今已
白頭

送懷州吳別駕

前人

灞上柳枝黃壚頭酒正香春流飲去馬暮雨濕行
裝驛路通函谷州城接太行覃懷人總喜別駕得
王祥

趙少尹南亭送鄭侍御

前人

紅亭酒甕香白面繡衣郎砌冷蟲喧座簾疎月到
牀鐘催離思急絃逐醉歌長關樹應先落隨君滿
路霜

送王七錄事赴魏州

前人

言宿
早歲卽相知嗟君最後時青雲仍未達白髮欲成
絲小店關門樹長河華嶽祠弘農民吏待莫遣馬
行遲

送蒲秀才擢第歸蜀

前人

去馬疾如飛看君戰勝歸新登郤詵第更著老萊
衣漢水行人少巴山客舍稀向南風候暖臘月見
春輝

送滕亢擢第歸蘇州拜親

前人

送爾姑蘇客滄波秋正涼橘懷三箇去桂折一枝

將湖上山當舍天邊水是鄉江村人事少時作捕
魚郎

送弘文李校書往漢南拜親

前人

未識已先聞清辭果出羣如逢禰處士似見鮑參
軍夢暗巴山雨家連漢水雲慈親思愛子幾度泣
霑裙

祁四再赴江南別詩

前人

萬里來又去三湘東復西別多人換鬢行遠馬穿

言宿
蹄山驛秋雲冷江帆暮雨低憐君不解說相憶在
書題

送李司諫歸京

前人

別酒爲誰香春官駁正郎醉經秦樹遠夢怯漢川
長雨過風頭黑雲開日脚黃知君解起草早去入
文昌

送趙侍御歸上都

前人

驄馬五花毛青雲歸處高霜隨驅夏暑風逐振江
濤執簡皆推直勤王山豆生苦勞帝城誰不戀回望動

離騷

送許員外江外置常平倉 前人

詔置海陵倉朝推畫省郎還家錦服貴出使繡衣
香水驛風催舫江樓月透牀仍懷陸氏橘歸獻老
親嘗

崔駙馬山池重送宇文明府

前人

竹裏過紅橋花間藉綠茵池涼醒別酒山翠拂行
鑣鳳去妝樓閉鳧飛葉縣遙不逢秦女在何處聽

吹簫

西亭送將侍御還京

前人

忽聞驄馬至喜見故人來
欲語多時別先愁計日
回山河宜晚眺雲霧待君開
爲報烏臺客須憐白髮催

送翰林張司馬南海勒碑相國製文

唐杜甫

冠冕通南極文章落上台
詔從三殿去碑到百蠻
開野館濃花發春帆細雨來
不知滄海上天遣幾

時迴

鄴城西原送李判官兄武判官弟赴城都

前人

憑高送所親久坐惜芳辰
遠水非無浪他山自有
春野花隨處發官柳著行新
天際傷愁別離筵何太頻

送何侍御歸朝

前人

舟楫諸侯餞車輿使者歸
山花相映發水鳥自孤
飛春日垂霜鬢天隅把繡衣
故人從此去寥落寸

心違

晚秋長沙蔡五侍御飲筵送殷六參軍歸澧
州觀省

前人

佳士欣相識
慈顏望遠遊
甘從投轄飲
肯作置書郵
高鳥黃雲暮
寒蟬碧樹秋
湖南冬不雪
吾病得淹留

江亭送眉州辛別駕昇之得蕪字

前人

柳影含雲暮
江波近酒壺
異方驚會面
終宴惜征途
沙暖低風蝶
天晴喜浴鳧
別離傷老大
意緒日荒蕪

送十五弟侍御使蜀

前人

喜弟文章進
添余別興牽
數杯巫峽酒
百丈內江船
未息豺狼鬪
空催犬馬羊
歸朝多便道
搏擊望秋天

送舍弟頻赴齊州

前人

風塵暗不開
汝去幾時來
兄弟分離苦
形容老病催
江通一柱觀
日落望鄉臺
客憶長東北
齊州安

在哉

送韋郎司直歸成都

前人

竄身來蜀地同病得韋郎天下兵戈滿江邊歲月
長別筵花欲暮春日鬢俱蒼爲問南溪竹抽梢合
過牆

涪江泛舟送韋班歸京

前人

追餞同舟日傷春一水間飄零爲客久衰老羨君
還花雜重重樹雲輕處處山天涯故人少更益鬢
毛斑

送元二適江左

前人

亂後今相見秋深復遠行風塵爲客日江海送君
情晉室丹陽尹公孫白帝城經過自愛惜取次莫
論兵

閬州奉送二十四舅使自京赴任青城

前人

聞道王喬鳥名因太史傳如何碧雞使把詔系微
天秦嶺愁回馬涪江醉泛船青城漫汗雜吾舅亦
淒然

奉送卿二翁統節度鎮軍還江陵

前人

火旗還錦纜白馬出江城
嘹唳鳴笳發蕭條別浦
清寒空巫峽曙落日涓陽情
留滯嗟衰疾何時見
息兵

送遠

前人

帶甲滿天地胡爲君遠行
親朋盡一哭鞍馬去孤
城草木歲月晚關河霜雪清
別離已昨日因見古
人情

送裴侍御還上都

唐張謂

楚地勞行役秦城罷鼓鼙
舟移洞庭岸路出武陵
溪江月隨人影山花趁馬蹄
離魂將別夢先爾到
關西

送李中丞歸漢陽別業

唐劉長卿

流落征南將會驅十萬師
罷歸無舊業老去戀明
時獨立三邊靜輕生一劍知
茫茫漢江上日暮欲
何之

送行軍張司馬罷使適越 前人

詩病

長集卷之十一

七十四

時危身赴敵事往任浮沉萬里三江去孤舟百戰
心春風吳渚綠古木剡溪深明月滄洲上歸雲不
可尋

送梁侍御赴永州

前人

蕭條江雨暗客散短亭空憂國天涯去思鄉歲暮
同到時猿未斷迴處水應窮莫望零陵路千峯萬
木中

餞別王十一南遊

前人

留君煙水濶揮手淚霑巾飛鳥沒何處青山空向

人長江一帆遠落日五湖春誰見汀洲上相思愁
白蘋

送從兄宰晉陵

唐韋應物

東郊春草歇千里夏雲生立馬愁將夕看山獨送
行依微吳苑樹迢遞晉陵城慰此斷行別邑人多
頌聲

送元倉曹歸廣陵

前人

官閒得去住告別戀音微舊國應無業他鄉到是
歸楚山明月滿淮甸夜鐘微何處孤舟泊遙遙心

曲達

送汾城王主簿

前人

少年初帶印汾上又經過芳草歸時徧情人故郡
多禁鐘春雨細宮樹野煙和相望東橋別微風起
夕波

送榆次林明府

前人

無嗟千里遠亦是宰王畿策馬雨中去逢人關外
稀邑傳榆石在路遶晉山微別思方蕭索秋風一
葉飛

賦得暮雨送李胄

前人

楚江微雨裏建業暮鐘時漠漠帆來重冥冥鳥去
遲海門深不見浦樹遠含滋相送情無限霑襟比
散絲

送康判官往新安

唐皇甫冉

不向新安去那知江路長猿聲近廬霍水色勝瀟
湘驛路收殘雨漁家帶夕陽何須愁旅泊使者有
輝光

送韓司直

前人

言
遊吳還適越來往任風波復送王孫去其如芳草
何岸明殘雪在潮滿夕陽多季子留遺廟停舟試
一過

途中送權曙二兄

前人

淮海風濤起江關憂思長同悲鵲繞樹獨作鴈隨
陽山晚雲和雪汀寒月映霜由來濯纓處漁父愛
滄浪

獨孤中丞筵陪餞韋使君赴昇州

前人

中司龍節貴上客虎符新地控吳襟帶才高漢縉
紳泛舟應度臘入境便行春何處歌來暮長江建
業人

送陸羽採茶

唐皇甫曾

千峯待逋客香茗復叢生採摘知深處煙霞羨獨
行幽期山寺遠野飯石泉清寂寂然燈夜相思一
磬聲

送李中丞歸本道

前人

上將宜分閫雙旌復出秦關河二晉路賓從五原

人孤戍雲通海平沙雪度春酬恩看玉劍何處有
煙塵

送元侍御充使湖南

前人

雲夢南行盡三湘萬里流山川重分手徒御亦悲
秋白簡勞王事清猿助客愁離羣復多病歲晚憶
滄洲

送韋判官赴閩中

前人

孤權閩中客雙旌海上軍路人從北少海水向南
分野鶴傷秋別林猿恣夜聞漢家崇亞相知子遠

邀勳

送林中丞還京

前人

戰罷回龍節朝天見鳳池寒生五湖道春及萬年
枝邵化多遺愛胡清已畏知懷恩多感別墮淚向
旌旗

賦得歸雲送友人

唐錢起

秀色橫千里歸雲積幾重欲依毛女岫初卷少姨
峯蓋影隨征馬衣香拂臥龍祗知函谷上真氣白
溶溶

送彈琴李長史赴洪州

前人

抱琴爲傲吏孤權復南行幾度秋江水皆添白雪
聲佳期來客夢幽興緩王程佐牧無勞問心和政
自平

送客賦得油席帽

前人

薄質慙加首愁陰幸庇身卷舒無定日行止必依
人已沐脂膏惠寧辭雨露頻雖同客衣色不染洛
陽塵

送李遂之越

唐郎士元

未習風波事初爲東越遊露霑湖草晚月照海山
秋梅市門何處蘭亭水尚流西興待潮信落日滿
孤舟

送彭偃房由赴朝因寄錢大郎中李十七舍

前人

衰病已經年西峯望楚天風光欺鬢髮秋色換山
川寂寞浮雲外支離漢水邊平生故人遠君去話
潛然

送錢起

前人

暮蟬不可聽落葉豈堪聞共是悲秋客那知此路
分荒城背流水遠鴈入寒雲陶令籬邊菊餘花可
贈君

送元詵還丹陽別業

前人

已知成傲吏復見解朝衣應向丹陽郭秋山獨掩
扉草堂連古寺江日動晴暉一別滄洲遠蘭橈幾
處歸

送韋湛判官

前人

高閣晴江上重陽古戍閒聊因送歸客更此望鄉
關惜別心能醉經秋鬢自斑臨流興不盡惆悵水
雲間

送故人歸魯

唐韓翃

魯客多歸興居人悵別情雨餘衫袖冷風急馬蹄
輕秋草靈光殿寒雲曲阜城知君拜親後少婦下
機迎

送郭贄府歸淮南

前人

駿馬淮南客歸時引望新江聲六合暮楚色萬家
春白紵歌西曲黃苞寄北人不知心賞後早晚見

行塵

送壽州陳錄事

前人

壽陽南渡口，斂笏見諸侯。
片雨楚城暮，千家淮水秋。
開簾對芳草，送客上春洲。
借問山中桂，王孫幾度游。

送李使君赴泉州

唐包何

傍海皆荒服，分符重漢臣。
雲山百越路，市井十洲人。
執玉來朝遠，還珠入貢頻。
連年不見雪，到處即行春。

送王文字江陰

前人

郡北乘流去，花間竟日行。
海魚朝滿市，江鳥夜喧城。
止酒非關病，援琴不在聲。
應緣五斗米，數日滯淵明。

送上官侍御赴黔中

唐李嘉祐

莫向黔州路，令人到欲迷。
水聲巫峽裏，山色夜郎西。
樹隔朝雲合，猿窺曉月啼。
南方饒翠羽，知爾飲清溪。

送王牧往吉州謁王使君叔

詩兩

唐李嘉祐

八

前人

細草綠汀洲
王孫奈薄遊
年華初冠帶
文彩舊弓裘
野渡花爭發
春塘水亂流
使君憐小阮
應念倚門愁

送李中丞楊判官

前人

射策名先著
論兵氣自雄
能全季布諾
不道魯連功
流水蒹葭外
諸山睥睨中
別君秋日晚
回首夕陽空

秋砧送包大夫

唐竇叔向

斷續長門夜
泠泠逆旅秋
征夫應待信
寒女不勝愁
帶月飛城上
因風散陌頭
離居偏入聽
况復送歸舟

送李端

唐盧綸

故關衰草遍
離別自堪悲
路出寒雲外
人歸暮雪時
少孤爲客早
多難識君遲
掩泣空相向
風塵何所期

贈送張成季往江上賦得垂楊

前人

垂楊真可憐勝地覺春偏一樹雨聲裏千條池色
前露繁光的瀝日麗影團圓若到隋堤望應逢花
滿川

賦得彭祖樓送楊宗德歸徐州幕

前人

四戶八窗明玲瓏逼上清外欄黃鵠下中柱紫芝
生每帶雲霞色時聞蕭管聲望君兼有月幢蓋儼
層城

送潘述應宏詞下第歸江南

前人

愁與醉相和昏昏竟若何感年懷闕久失意夢鄉
多過雨看春草行山望白波江樓覆棋好誰引仲
宣過

送樂平苗明府

唐李端

本自求彭澤誰云道里賒山從古壁斷江向弋陽
斜暮色隨楓樹陰雲暗荻花諸侯舊調鼎應重宰
臣家

送友人遊蜀

前人

嘉陵天氣好百里見雙流帆影緣巴寺鐘聲出漢
州綠原春草晚青木暮猿愁正是風流地遊人易
白頭

送客往湘江

前人

識君年已老孤櫂向瀟湘素髮臨高鏡清晨入遠
鄉三山分夏口五兩映沅陽更逐巴東客南行淚
幾行

送郭補闕歸江陽

前人

東門春尚淺楊柳未成陰馬影愁斜日鶯聲怨故
林隋宮江上遠梁苑雪中深獨有懷歸客難爲欲
別心

送夔州班使君

唐司空曙

魚國巴庸路麾幢漢守過曉檣爭市隘夜鼓祭神
多雲白當山雨風清滿峽波夷陵舊人吏猶誦兩
岐歌

賊平後送人北歸

前人

世亂同南去時清獨北還他鄉生白髮舊國見青
山曉月過殘壘繁星宿故關寒禽與衰草處處伴

愁顏

送史澤之長沙

前人

謝朓懷西府單車觸火雲野蕉依戍客廟竹映湘
君夢渚巴山斷長沙楚路分一杯從別後風月不
相聞

潤州送師弟自江夏往台州

唐崔峒

遠客乘流去孤帆向夜開春風江上使前日漢陽
來別路猶千里離心重一杯別溪木未落羨爾過

天台

送薛良史往越州謁從叔 前人

辭家年已久與子分仍深易得思鄉淚難爲送別
心孤雲隨浦口幾日到山陰遙想蘭亭下清風滿
竹林

送蘇修遊上饒

前人

愛爾無羈束雲山恣意過一身隨遠岫孤櫂任輕
波世事關情少漁家寄宿多蘆花泊船處江月奈
人何

送張中丞歸使幕

唐張繼

獨受主恩歸當朝似者稀
玉壺分御酒金殿賜春衣
拂席流鶯醉鳴鞭駿馬肥
滿臺簪白筆捧手戀清暉

送使君

唐顧况

天中洛陽道海上使君歸
拂霧趨金殿焚香入瓊闈
山亭傾別酒野服間朝衣
他日思朱鷺知從小苑飛

春鳥詞元秀才入京

前人

春來繡羽齊暮向竹林棲
禁苑銜花出河橋隔樹啼
尋聲知去遠顧影念飛低
別有無巢燕猶窺幕上泥

送李侍御入茅山採藥

唐張南史

苦縣家風在茅山道錄傳
聊停驄馬使却就紫陽僊
江海生峽路雲霞入洞天
莫令千歲鶴飛到草堂前

送陳偃賦得白鳥翔翠微

唐朱灣

不知鷗與鶴天畔弄晴暉
背日分明見臨川相映

微淨中雲一點迴處雪孤飛正好高枝立翩翩何
所歸

送韋判官歸薊州

唐于鵠

桑乾歸路遠聞說亦愁人有雪常經夏無花空到
春下營雲外火收馬月中塵白首從戎客青袍未
離身

清明日送友還鄉

唐戴叔倫

鐘鼓喧離室車徒促夜裝曉廚新變火輕柳暗翻
霜轉鏡看華髮持杯話故鄉每嫌兒女淚今日自

霑裳

送韋侍御司議赴東都

唐武元衡

洛京千里近離緒亦紛紛文憲芙蓉沼元方羊鴈
羣河關連鞏樹高少接秦雲獨有秋風引睽攜不
可聞

送太常十二兄罷冊南詔却赴上都

前人

鄉路自茲使征軒行復留張騫隨漢節王濬守刀
州澤國煙花度銅梁霧雨愁別離無可奈萬恨錦

江流

送吳侍御司馬赴台州 前人

盧耽佐郡遙川陸共迢迢風景經吳會文章變越
謠煙林繁橘柚雲海浩浪潮余有靈山夢前君到
石橋

將赴京師蒜山津送客還荆渚

唐許渾

樽前萬里愁楚塞與皇州雲識瀟湘雨風知鄠杜
秋潮平猶倚櫂月上更登樓他日滄浪水漁歌對

白鷗

送人遊蜀

唐馬戴

別離楊柳陌迢遞蜀門行若聽清猿後應多白髮
生虹霓侵棧道雨雪雜江聲過盡愁人處煙花是
錦城

送客南遊

前人

擬卜何山隱高秋指岳陽葦乾雲夢色橘熟洞庭
香疎雨殘虹影回雲背鴈行靈均如可問一爲哭
清湘

淮南送人歸滄州

唐李頻

風色忽西轉坐爲千里分
高帆背楚落寒日逆淮
曛斷燒緣喬木盤鵬隱片雲
鄉關百戰地歸去始
休軍

送金夷魚奉使歸本國

唐張喬

渡海登僊籍還家備漢儀
孤舟無岸泊萬里有星
隨積水浮魂夢流
半別離東風未迴日音信杳
難期

送別

唐釋靈一

憑高莫送遠看欲斷歸心
別恨啼猿苦相思流水
深翠雲南澗影丹桂晚山陰
若未來雙鵠遼城何
更尋

賦得顏氏古今事得晉僊傳送顏逸

唐釋皎然

曾看顏氏傳多記晉時僊
却憶桐君老俱還桂父
羊青春留鬢髮白日向雲煙
遠別齋遺簡囊中有
幾篇

賦得石梁泉送崔遠

前人

架石通霞壁懸流散碧沙天晴虹影度風細練文
斜攀陟幽期阻沿洄客意賒河梁非此路別恨亦
無涯

送沈秀才之閩中

前人

越客不成歌春風起綠波嶺重寒不到海近瘴偏
多野戍桄榔發人家翡翠過翻疑此中好君問定
如何

送李秀才赴婺州

前人

山開江上色孤賞去應遲綠水延吳榜秋風入楚

祠猿清獨宿處木落遠之行時見說東陽守登樓爲
爾期

賦得巴峽啼猿送客

前人

萬里巴江夜二聲月峽深何年有此路幾客共霑
襟斷壁分連影流泉入苦吟淒淒別離後聞此更
傷心

送林山人歸日本

唐釋無可

海際晚帆開應無鄉信催水從荒外積人指日邊
回望國乘風久浮天絕島來儻因華夏使書札轉

言宿
九十一
悠哉

送韓揆之江西

唐女冠李冶

相看指楊柳別恨轉依依
萬里西江水孤舟何處
歸湓城潮不到夏口信應稀
惟有衡陽鴈年年來
去飛

楊州送人

唐無名氏

桂楫木蘭舟楓江竹箭流
故人從此去遠望不勝
愁落日低帆影歸風引
櫂謳思君折楊柳淚盡武
昌樓

餞中書侍郎來濟

唐宋之間

曖曖去塵昏灞岸飛飛輕蓋指河梁
雲峯衣結千重葉
雪岫花開幾樹妝
深悲黃鶴孤舟遠
獨歎青山別路長
却將分手霑襟淚
還用持添離席觴

送李回

唐李頎

知君官屬大司農
詔幸驪山職事雄
歲發金錢供御府
晝看僊液注離宮
千巖曙雪旌門上
十月寒花輦路中
不覩聲名與文物
自傷留滯去關東

送魏萬之京

前人

詩宿

唐集卷之十六

九十一

朝聞遊子唱離歌昨夜微霜初度河鴻鴈不堪愁
裏聽雲山況是客中過關城曙色催寒近御苑砧
聲向晚多莫是長安行樂處空令歲月易蹉跎

送楊少府貶柳州

唐王維

明到衡山與洞庭若爲秋月聽猿聲愁看北渚三
湘遠惡說南風五兩輕青草瘴時過夏口白頭浪
裏出湓城長沙不久留才子賈誼何須弔屈平

送前衛縣李宋少府

唐高適

黃鳥翩翩楊柳垂春風送客使人悲怨別自驚鶻

里外論交却憶十年時雲開汶水孤帆遠路繞梁
山疋馬逢此地從來可乘興留君不住益淒其

送李少府貶峽中王少府貶長沙

前人

嗟君此別意何如駐馬銜杯問謫居巫峽啼猿數
行淚衡陽歸鴈幾封書青楓江上秋天遠白帝城
邊古來疎聖代卽今多雨露暫時分手莫躊躇

夜別韋司士

前人

高館張燈酒復清夜鐘殘月鴈歸聲只言啼鳥堪

求侶無那春風欲送行黃河曲裏沙爲岸白馬津
邊柳向城莫怨他鄉暫離別知君到處有逢迎
使君席夜送嚴河南赴長水

唐岑參

嬌歌急管雜青絲銀燭金杯映翠睂使君地主能
相送河尹天明坐莫辭春城月出人皆醉野戍花
深馬去遲寄聲報爾山翁道今日河南勝昔時
九日使君席奉餞衛中丞赴長水

前人

節使橫行西出師鳴弓擐甲羽林兒臺上霜威凌
草木軍中殺氣傍旌旗預知漢將宣威日正是胡
塵欲滅時爲報使君多泛菊更將絃管醉東籬

送李司馬

前人

柳簾鶯嬌花復殷紅亭綠酒送君還到來函谷愁
中月歸去磻溪夢裡山簾前春色應須惜世上浮
名好是閒西望鄉關腸欲斷對君衫袖淚痕斑

送路六侍御入朝

唐杜甫

童稚情親四十年中間消息兩茫然更爲後會知

言行
何地忽漫相逢是別筵不分桃花紅勝錦生憎柳絮白於綿劍南春色還無賴觸忤愁人到酒邊

送李祕書赴杜相公幕

前人

青簾白舫益州來巫峽秋濤天地迴石出倒聽楓葉下櫓搖背指菊花開貪趨相府今晨發恐失佳期後命催南極一星朝北斗五雲多處是三台

送韓十四江東省親

前人

兵戈不見老萊衣嘆息人間萬事非我已無家尋弟妹君今何處訪庭中闍黃牛峽靜灘聲轉白馬江

寒樹影稀此別應須各努力故鄉猶恐未同歸

章梓州橘亭餞竇少尹得涼字

前人

秋日野亭千橘香玉杯錦席高雲涼主人送客何所作行酒賦詩殊未央衰老應爲難離別賢聲此去有輝光預傳籍籍新京兆青史無勞數趙張

奉送蜀州栢二別駕將中丞命赴江陵起居
衛尚書太夫人因示從弟行軍司馬位

前人

言宿
中丞問俗畫熊頻愛弟傳書彩鷁新遷轉五州防
禦使起居八座太夫人楚宮臘送荆門水白帝雲
偷碧海春與報惠連詩不惜知吾斑鬢總如銀

送辛員外

前人

雙峯寂寂對春臺萬竹青青照客杯細草留連侵
座軟殘花悵望近人開同舟昨日何由得並馬今
朝未擬回直到綿州始分手江頭樹裏共誰來

送鄭十八虔貶台州司戶傷其臨老陷賊之
故闕爲面別情見乎詩 前人

鄭公樛散鬢如絲酒後常稱老畫師萬里傷心嚴
譴日百年垂死中興時倉皇已就長途往邂逅無
端出餞遲便與先生應永訣九重泉路盡交期

公安送韋二少府匡贊 前人

逍遙公後世多賢送爾維舟惜別筵念我能書數
字至將詩不必萬人傳時危兵甲黃塵裏日短江
湖白髮前古往今來皆涕淚斷腸分手各風煙

送李錄事兄歸襄陽 唐劉長卿

十年多難與君同幾處移家逐轉蓬白首相逢征

戰後青春已過亂離中行人杳杳看西月歸馬蕭
蕭向北風漢水楚雲千萬里天涯此別恨無窮

青溪口送人歸岳州

前人

洞庭何處鴈南飛江茫茫蒼蒼客去稀帆帶夕陽千
里沒天連秋水一人歸黃花衰露開沙岸白鳥銜
魚上釣磯岐路相逢無可贈老年空有淚霑衣

送常十九歸嵩少故林

前人

迢迢此恨杳無涯楚澤高山萬里賒岐路別時驚
一葉雲林歸處憶三花秋禾蒼翠寒飛鴈古堞蕭

條晚噪鴉他日山中逢勝事桃源洞裏幾人家

送耿拾遺歸上都

前人

若爲天畔獨歸秦對水看山欲暮春窮海別離無
限路隔河征戰幾歸人長安萬里傳雙淚建德千
峯寄一身想到郵亭愁駐馬不堪西望見風塵

送陸澧倉曹西上

前人

長安此去欲何依先達誰當薦陸機日下鳳翔雙
闕迴雲中人過二陵稀舟從故里難移櫂家在寒
塘獨掩扉臨水自傷流落久贈君空有淚霑衣

送皇甫曾赴工部

前人

東遊久與故人違，西去荒涼舊路微。
秋草不生三徑處，行人獨向五陵歸。
離心日遠如流水，迴首川衣共落暉。
楚客豈勞傷此別，滄江欲暮淚霑衣。

送馬秀才落第歸江南

前人

南客懷歸鄉夢頻，東門悵別柳條新。
殷勤斗酒城陰暮，蕩漾孤舟楚水春。
湘竹舊斑思帝子，江籬初綠怨騷人。
憐君此去未得意，陌上愁看淚滿巾。

送錢塘路少府赴制舉

唐皇甫冉

公車待詔赴長安，客裏新正阻舊歡。
遲日未能銷野雪，晴花偏自犯江寒。
東河六道道路通，秦塞北關威儀擁。
漢官共許郗生工，射策不思榮請向一枝看。

送李錄事赴饒州

前人

北人南去雪紛紛，鴈叫汀洲不可聞。
積水長天隨遠客，荒城極浦足寒雲。
山從建業千峯出，江至潯陽九派分。
借問督郵纔弱冠，府中年少不如君。

送李敖湖南書記

唐郎士元

憐君才與阮家同，掌記能資亞相雄。
入楚豈忘看

淚竹泊舟應自愛江楓誠知客夢煙波裏肯厭猿
鳴夜雨中莫信衡湘書不到年年秋鴈過巴東

送劉評事赴廣東使幕

唐韓翃

征南官屬似君稀才子當今劉孝威蠻府參軍趨
傳舍交州刺史拜行衣前臨漲海無人過却望衡
陽少鴈飛爲報蒼梧雲影道明年早送客帆歸

送冷朝陽還上元

前人

青絲纜引木蘭船名遂身歸拜慶年落日澄江鳥
榜外秋風疎柳白門前橋通小市家林近山帶平

湖野寺連別後依依寒食裏共君攜手在東田

送李少府入蜀

前人

行行獨出故關遲南望千山無盡期見舞巴童應
暫笑聞歌蜀道又堪悲孤城晚閉清江上疋馬寒
嘶白露時別後此心君自見山中何事不相思

送王光輔歸青州兼寄儲侍御

前人

幾回奏事建章宮聖主偏知漢將功身著紫衣趨
闕下口銜丹詔出關東蟬聲驛路秋山裏草色河

言宿
橋落照中遠憶故人滄海別當年好躍五花驄

送客歸江州

前人

東歸復得采真遊江水迎君日夜流客舍不離青
雀舫人家多住白鷗洲風吹山帶遙知雨露濕荷
裳已報秋聞道泉明居止近籃輿相訪可淹留

送宋中舍遊江東

唐李嘉祐

孤城郭外送王孫越水吳洲共爾論野寺山邊斜
有徑漁家竹裏半開門青楓獨映搖前浦白鷺閒
飛過遠村若到西陵征戰處不看秋草自傷魂

送皇甫冉往安宜

前人

江臯盡日唯煙水君向白田何日歸楚地蒹葭連
海迴隋朝楊柳映堤稀津樓故市生荒草山館空
城閉落暉若問行人與征戰使君雙淚定霑衣

送濮陽錄事赴忠州

唐李端

成名不逐雙旌遠空印還爲一郡雄赤葉黃花隨
野岸青山白水映江楓巴人夜語孤舟裏越鳥春
啼萬壑中間說古書多未校肯令才子久西東

送友人歸南海

唐耿漳

遠別悠悠白髮新江潭何處是通津潮聲偏懼初
來客海味唯甘久住人漠漠煙光前浦晚青青草
色定山春汀洲更有南回鴈亂起聯翩北向秦

送賈校書東歸寄振上人 唐李益

北風吹鴈數聲悲況指前林是別時秋草不堪頻
送遠白雲何處更相期山隨匹馬行看暮路入寒
城獨去遲爲向東州故人道江淹已擬惠休詩

送源中丞使新羅 唐姚合

丹墀召對使殊方官重霜臺紫綬光玉節在船清

海惟金函開詔拜夷王雲晴漸覺山川異風便那
知道路長誰得似君將雨露海東萬里洒扶桑

湘中送友人 唐李頻

中流欲暮見湘煙岸草無窮接楚天去鴈遠衝雲
夢雪離人獨上洞庭船風波盡日依山轉星漢通
宵向水縣零落梅花過殘臘故園歸去又新年

奉和別魯王 唐李敬玄

綠車旋楚服丹蹕佇秦川珠臯轉歸騎金岸引行
旂一朝限原隰千里間風煙鶯喧上林谷鳧響御

言
溝泉斷雲移曾蓋離歌動舜絃別念凝神宸崇恩
洽玳筵顧惟慙叩寂徒自仰鈞天

又

唐楊思玄

元王詩傳博文后寵靈優鶴蓋動宸眷龍章送遠
遊函關疎別道灞岸引行舟北林分苑樹東流溢
御溝鳥聲含羽碎騎影曳花浮聖澤九垓普天文
七曜周方圖獻雅樂簪帶奉鳴球

送鄭司倉入蜀

唐盧照鄰

離人丹水北遊客錦城東別意還無已離憂自不
窮隴雲朝結陣江月夜臨空關塞疲征馬霜氛落
早鴻潘年三十外蜀道五千中送君秋水曲酌酒
對秋風

西使兼送孟學士南遊

前人

地道巴陵北天山弱水東相看萬餘里共倚一征
蓬零雨悲王粲清尊別孔融徘徊聞夜鶴悵望待
秋鴻骨肉胡秦外風塵關塞中唯餘劔鋒在耿耿
氣成虹

送幽州陳參軍赴任寄呈鄉曲父老

前人

薊北三千里關西二十年馮唐猶在漢樂毅不歸
燕人同黃鶴遠鄉共白雲連郭隗池臺處昭王樽
酒前故人當已老舊壑幾成田紅顏如昨日衰鬢
似秋天西蜀橋應毀東周石尚全灞池水猶綠榆
關月早圓塞雲初上鴈庭樹欲銷蟬送君之舊國
揮淚獨潸然

餞鄭安陽入蜀

唐駱賓王

彭門折坂外井絡少城隈地是三巴俗人非百里
才畏途君悵望岐路我徘徊心賞風煙隔容華歲
月催迢迢分鳳野去去轉龍媒遺錦非前邑鳴琴
卽舊臺劍門千仞起石路五丁開海客乘槎渡僊
章馭竹迴魂將離鶴遠思逐斷猿哀唯有雙鳧鳥
飛去復飛來

送楊六望赴金水

唐宋之問

借問梁山道欽岑幾萬重遙州刀作路絕壁劔爲
峯惜別路窮此留歡意不從憂來生白髮時晚愛
青松勿以西南遠夷歌寢盛容台階有高位寧復

又臨邛

春日鄭協律山亭陪宴餞鄭卿

前人

潘園枕郊郭愛客坐相求
尊酒東城外驂駢南陌
頭池平分洛水林缺見
高丘暗竹侵山徑垂楊拂
妓樓彩雲歌處斷遲日
舞前留此地何年別蘭房
空自幽

送特進李嶠入都祔廟

唐徐彥伯

特進三公下台臣百揆先
孝圖開寢石祠主卜牲

筵恩級青綸賜徂裝紫臺
懸綢繆金鼎席宴餞玉
潢川北斗分征路東山起
贈篇樂池歌綠藻梁苑
藉紅荃騎轉商巖日旌搖
闕塞煙廟堂須鯁議錦
節佇來旋

送別南人還鄉

唐張九齡

橘柚南中暖桑榆北地陰
何言榮落異因見別離
心吾亦江鄉子思歸夢寐
深聞君去水宿結思渺
雲林牽綴從浮事遲迴謝
所欽東南行舫遠秋浦
念猿吟

峴山送張去非遊巴東

唐孟浩然

峴山南郭外送別每登臨沙岸江村近松門山寺
深一言余有贈三峽爾相尋祖席宜城酒征途雲
夢林蹉跎遊子意眷戀故人心去矣勿淹滯巴東
猿夜吟

送王昌齡之嶺南

前人

洞庭去遠近楓葉早驚秋峴首羊公愛長沙賈誼
愁土風無編紵鄉味有查頭已抱沉痾疾更貽魘
魅憂數羊同筆硯茲夕異衾裯意氣今何在相思

望斗牛

送紀秀才遊越

唐李白

海水不滿眼觀濤難稱心卽知蓬萊石却是巨鼇
簪送爾遊華頂令予發鳥吟僊人居射的道士住
山陰禹穴尋谿入雲門隔嶺深綠蘿秋月夜相憶
在鳴琴

送友人尋越中山水

前人

聞道稽山去偏宜謝客才千巖泉灑落萬壑樹縈
迴東海橫秦望西陵繞越臺湖清霜鏡曉濤白雪

山來八月枚乘筆三吳張翰杯此中多逸興早晚
向天台

金陵送張十一再遊東吳 前人

張翰黃花句風流五百年誰人今繼作夫子世稱
賢再動遊吳權還浮入海船春光白門柳霞色赤
城天去國難爲別思歸各未旋空餘賈生淚相顧
共悽然

送儲邕之武昌 前人

黃鶴高樓月長江萬里情春風三十度空憶武昌

城送爾難爲別銜杯惜未傾湖連張樂地山逐泛
舟行諾謂楚人重詩傳謝朓清滄浪吾有曲寄入
權歌聲

送漪叔遊潁川兼謁淮陽太守

唐李頎

罷吏今何適辭家方獨行高陽入歸夢潁水半前
程聞道淮陽守東南臥理清郡齋觀政日人馬望
鄉情疊嶺雪初霽寒砧霜後鳴臨行嗟拜手寂寞
事躬耕

送劉主簿歸金壇

前人

與子十年舊其如離別何
宦遊鄰故國歸夢是滄
波京口青山遠金陵芳
草多雲帆曉容裔江日
晝清和縣郭舟人飲津
亭魚者歌茅山有僊洞
羨爾再經過

聖善閣送裴迪入京

前人

雪華滿高閣苔色上鉤
欄藥草空階靜梧桐返
照寒清吟可愈疾攜手
暫同歡隊葉和金磬饑
鳥鳴露盤伊川惜東別
灞水向西看舊托含香
署雲霄

何足難

送皇甫曾遊襄陽山水兼謁韋太守

前人

峴山枕襄陽泊泊江漢
長山深臥龍宅水淨斬
蛟鄉元凱春秋傳昭明文
選堂風流滿今古煙島
思微茫白鴈暮衝雪青
林寒帶霜蘆花獨戍晚
柑實萬家香舊國欲茲
別輕舟眇未央百花亭
漫漫一柱觀蒼蒼按俗
荆南牧持衡吏部郎逢
君立五馬應醉習家塘

龍門送裴侍御監五嶺選 前人

萬里番禺地官人繼帝憂君爲柱下史將命出東
周歇馬傍川路張燈臨石樓稜稜靜疎木漚漚響
寒流榔葉四荒外梅花五嶺頭明珠尉佗國翠羽
夜郎洲夷俗富珍產土風資宦遊心清物不雜弊
革事無留舉善必稱最持姦當去尤何辭桂江遠
今日用賢秋

送喬琳

前人

草綠小平津花開伊水濱今君不得意孤負帝鄉

春口不言金帛心常任屈伸阮公能飲酒陶令肯
羞貧陽羨風流地滄江遊寓人菱歌五湖遠桂樹
八公鄰青鳥迎孤櫂白雲隨一身潮隨秣陵上月
映石頭新未可逃名利應須在縉紳汀洲芳杜色
勸爾暫垂綸

贈別張兵曹

前人

漢家蕭相國功蓋五諸侯勲業河山重丹青錫命
優君爲禁嚮壻爭看玉人遊荀令焚香日潘郎振
藻秋新成鸚鵡賦能衣鷓鴣裘不憚軒車遠仍尋

薛荔幽苑梨飛絳葉伊水淨寒流雪滿故關道雲
遮祥鳳樓一身輕寸祿萬物任虛舟別後如相問
滄波雙白鷗

送李太守赴上洛

唐王維

商山包楚鄧積翠藹沉沉驛路飛泉灑關門落照
深野花開古戍行客響空林板屋春多雨山城晝
欲陰丹泉通號略白羽抵荆岑若見西山爽應知
黃綺心

送權二

前人

高人不可有清論復何深一見如舊識一言知道
心明時當薄宦解薛去中林芳草空隱處白雲餘
故岑韓侯久攜手河嶽共幽尋悵別千餘里臨堂
鳴素琴

送祕書晁監歸日本國

前人

積水不可極安知滄海東九州何處遠萬里若乘
空向國惟看日歸帆但信風鰲身映天黑魚眼射
波紅鄉樹扶桑外主人孤島中別離方異域音信
若爲通

送綦毋潛

唐盧象

夫君不得意，本自滄海來。高足未云騁，虛舟空復迴。
淮南楓葉落，灞岸桃花開。出處暫爲耳，沉浮安繫哉。
如何天覆物，還遣世遺才。欲識秦將漢，嘗聞王與裴。
離筵對寒食，別雨乘春雷。會看辟書至，荷衣莫漫裁。

送柴司戶充劉卿判官之嶺外

唐高適

嶺外資雄鎮，朝端寵節麾。月卿臨幕府，星使出詞

曹海對羊城，濶山連象郡。高風霜驅瘴，癘忠信涉
波濤。別恨隨流水，交情脫寶刀。有才無不適，行矣
莫徒勞。

六月三十日水亭送華陰王少府還縣得潭

字

唐岑參

亭晚人將別，池涼酒未酣。關門勞夕夢，僊掌引歸
驂。荷葉藏漁艇，藤花冒客簪。殘雲收夏暑，新雨帶
秋嵐。失路情無適，離懷思不堪。賴茲庭戶裏，別有
小江潭。

送郭僕射節制劍南

前人

鐵馬擐紅纓
幡旂出禁城
明王親授鉞
丞相欲專征
玉饌天廚送
金杯御酒傾
劍門乘險過
關道踏空行
山鳥驚吹笛
江猿看洗兵
曉雲隨去陣
夜月逐行營
南仲今時往
西戎計日平
將心感知已
萬里寄懸旌

送史司馬赴崔相公幕

前人

崢嶸丞相府
清切鳳凰池
羨爾瑤臺鶴
高棲瓊樹枝
歸飛晴日好
吟弄惠風吹
正有乘軒樂
初當學

舞時珍禽在羅網
微命若遊絲
願托

周南羽相銜

谿水湄

送陵州路使君之任

唐杜甫

王室比多難
高官皆武臣
幽燕通使者
岳牧用詞人
國待賢良急
君當拔擢新
佩刀成氣象
行蓋出風塵
戰伐乾坤破
滄夷府庫貧
象空宜潔白
萬役但平均
霄漢瞻佳士
泥塗任此身
秋天正搖落
回首大江濱

奉送嚴公入朝十韻

前人

鼎湖瞻望遠象闕憲章新四海猶多難中原憶舊
臣與時安反側自昔有經綸感激張天步從容靜
塞塵南圖回羽翮北極捧星辰漏鼓還思書宮鷲
罷轉春空留玉帳術愁殺錦城人閣道通丹地江
潭隱白蘋此生那老蜀不死會歸秦公若登台輔
臨危莫愛身

無錫東郭送友人遊越

唐劉長卿

客路風霜曉郊原春興餘平蕪不可望遊子去何
如煙水乘湖濶雲山逼越初舊都懷作賦古穴覓
藏書碑缺曹娥宅林荒逸少居江湖無限意非獨
羨樵漁

送荀八過山陰訪舊兼寄剡中諸官

前人

訪舊山陰縣扁舟到海涯故林嗟滿歲春草憶佳
期晚景千峯亂晴江一鳥遲桂香留客處楓暗泊
舟時舊石曹娥冢空山夏禹祠剡溪多隱吏君爲
道相思

送鄭說歙州謁薛能郎中 前人

漂泊來千里謳歌滿百城漢家尊太守魯國重諸
生俗變人難理江傳水至清船經危石住路入亂
山行老得滄洲趣春傷白首情嘗聞馬南郡門下
有康成

送王諫議任東郡居守

唐錢起

車徒鳳掖東去去洛陽宮
暫以青蒲臨還看紫禁
同經過乘雨露瀟灑出鴛鴻
官署名臺下雲山舊
苑中暮天雙闕靜秋月九重空
且喜岳州周地詩人
播國風

奉送王相公赴幽州

唐韓翃

黃閣開帷幄丹墀侍冕旒
位高湯左相權總漢諸
侯不改周南化仍分趙北憂
雙旌過易水千騎入
幽州塞草連天暮邊聲動地秋
無因隨遠道結束
佩吳鉤

送日本使還

唐徐嶷

絕國將無外扶桑更有東
來朝逢聖日歸去及秋
風夜泛潮迴際晨征莽蒼
蒼中鯨波騰水府蜃氣狀
仙宮天眷何期遠王文久已同
相望杳不見離恨

托飛鴻

江亭月夜送別二首

唐王勃

羣江送巴南水山橫塞北雲津亭秋夜月誰見泣離

寒亂煙籠碧砌飛月向南端寂寂離亭掩江山此夜

別人二首

前人

何江上風煙積山幽雲霧多送君南浦外還望將如

滯霜華淨天末霧色籠江際客子常畏人何為久留

夜送趙縱

唐楊炯

川趙氏連城壁由來天下傳送君還舊府明月滿前

易水送別

唐駱賓王

寒此地別燕丹壯士髮衝冠昔時人已沒今日水猶

送別

前人

寒更承夜永涼夕向秋澄離心何以贈自有玉壺
冰

贈別冀侍御崔司議

唐陳子昂

有道君匡國無機余在林白雲峨眉上歲晚來相
尋

臨川送別

唐盧僎

秋郊日半隱野樹煙初映風水正蕭條那堪動離
詠

送兄

唐七歲女子

別路雲初起離亭葉正飛所嗟人異鴈不作一行
歸

送朱大入秦

唐孟浩然

遊人五陵去寶劍直千金分手脫相贈平生一片
心

送友之京

前人

君登青雲去余望青山歸雲山從此別淚濕薜蘿
衣

送張郎中遷京

前人

碧溪常共賞朱邸忽遷榮預有相思意聞君琴上聲

送殷淑

唐李白

痛飲龍筇下燈青月復寒醉歌驚白鷺半夜起沙灘

勞勞亭

前人

天下傷心處勞勞送客亭春風知別苦不遣柳條青

送陸通判往琵琶峽

前人

水國秋風夜殊非遠別時長安如夢裡何日是歸期

奉送五叔入京兼寄綦母三

唐李頎

陰雲帶殘日悵別此何時欲望黃山道無由見所思

對雨送鄭陵

唐崔曙

別愁復兼雨別淚還如霰寄心海上雲千里常相見

今別離

唐崔國輔

送君未能旋相望
連水口船行欲映洲
幾度急搖手

臨高臺送黎拾遺

唐王維

相送臨高臺
川原杳何極
日暮飛鳥還
行人去不息

送別

前人

山中相送罷
日暮掩柴扉
春草年年綠
王孫歸不歸

崔九弟欲往南山馬上口號與別

前人

城隅一分手
幾日還相見
山中有桂花
莫待花如霰

又

唐裴迪

歸山深淺去
須盡丘壑美
莫學武陵人
暫是游桃源
裏

送李十五

唐王昌齡

怨別秦楚深
江中秋雲起
天長杳無隔
月影在寒

水

送張四

前人

楓林已愁暮楚水復堪悲別後冷山月清猿無斷時

送郭司倉

前人

映門淮水綠留騎主人明月隨良掾春潮夜夜深

送胡大

前人

荆門不堪別况乃瀟湘秋何處遙望君江邊明月

樓

送別

唐王之渙

楊柳東風樹盡青夾御河近來攀折苦應為別離多

送張十八歸邱桐廬

唐劉長卿

歸人乘野艇帶日過江村正落寒潮水相隨夜到門

瓜州送李端公

前人

片帆何處去匹馬獨歸遲惆悵江南北青山欲暮

時

聽江笛送陸侍御

唐韋應物

遠聽江上笛臨觴一送君還愁獨宿夜更向郡齋聞

送王翁信還剡中舊居

唐皇甫冉

海岸畊殘雪溪沙釣夕陽家中何所有春草漸看長

送陸羽赴越

前人

行隨新樹深夢隔重江遠迢遞風日閒蒼蒼洲渚

晚

送王司直

唐皇甫曾

西塞雲山遠東風道路長人心勝潮水相送過滄陽

送楊著作歸東海

唐錢起

楊柳出關色東行千里期酒酣暫輕別路遠始相思

送人之東陽

唐嚴維

明月雙溪水春風八詠樓少年為客處今日送君

遊

送客南歸

唐許渾

野寺薜蘿晚宮渠楊柳春歸心已無限更送洞庭人

三月晦日送客

唐崔魯

野酌亂無巡送君兼送春明年春色至莫作未歸人

送人往宣城

唐潘佐

江畔送行人千山生暮氣謝安團扇上爲畫敬亭

雲

排遍第一

唐無名氏

時 樹發花如錦鶯啼柳若絲更逢歡燕地愁見別離

秋江送別

唐王勃

早是他鄉值早秋江亭明月帶江流已覺逝川傷別念復看津樹隱離舟

餞唐永昌赴任東都

唐李適

聞道飛鳧向洛陽翩翩矯翮度文昌因聲寄意三

言
花樹少室巖前幾過香

又

唐李义

田郎才貌出咸京
潘子文章向洛城
願以深恩留善政
當令強項謝高名

又

唐徐彥伯

金谿碧水玉潭沙
鳧鳥翩翩弄日華
鬪雞香陌行春倦
爲摘東園桃李花

又

唐馬懷素

聞君出宰洛陽隅
賓友稱觴餞路衢
別後相思在

何處祗應闕下望
僊鳧

送梁六

唐張說

巴陵一望洞庭秋
日見孤峯水上浮
聞道神僊不可接
心隨湖水共悠悠

送杜十四之江南

唐孟浩然

荆吳相接水爲鄉
君去春江正淼茫
日暮孤舟泊何處
天涯一望斷人腸

越中送張少府歸秦中

前人

試登秦嶺望秦川
遙憶青門更可憐
仲月送君從

此去瓜時須及邵平田

送韓侍御之廣德令

唐李白

昔日繡衣何足榮
今宵貰酒與君傾
暫就東山賒月色
酣歌一夜送泉明

黃鶴樓送孟浩然之廣陵 前人

故人西辭黃鶴樓
煙花三月下揚州
孤帆遠影碧空盡
唯見長江天際流

送元二使安西 唐王維

渭城朝雨裊輕塵
客舍青青柳色新
勸君更盡一

杯酒西出陽關無故人

送別 前人

送君南浦淚如絲
君向東周使我悲
爲報故人憔悴盡
如今不似洛陽時

送韋評事 前人

欲逐將軍取右賢
沙場走馬向居延
遙知漢使蕭關外
愁見孤城落日邊

送沈子福之江東 前人

楊柳渡頭行客稀
畧師湯鬻漿向臨圻
唯有相思似

春色江南江北送君歸

送朱越

唐王昌齡

遠別舟中將山莫君行舉首燕城路薊門秋月隱
黃雲期向金陵醉江樹

送姚司法歸吳

前人

吳椽留觴楚郡心洞庭秋雨海門陰但令意遠扁
舟送不道滄江百丈深

送柴侍御

前人

沅水通流接武岡送君不覺有離傷青山一道同

雲雨明月何曾是兩鄉

送李五

前人

玉盃金罍傾送君江西日入起黃雲扁舟乘月暫
來去誰道滄浪吳楚分

送人歸江夏

前人

寒江綠水楚雲深莫道離憂遠心曉夕雙帆歸
鄂渚愁將孤月夢中尋

芙蓉樓送辛漸二首

前人

寒雨連江夜入吳平明送客楚山孤洛陽親友如

相問一片冰心在玉壺

丹陽城南秋海陰丹陽城北楚雲深
高樓送客不能醉寂寂寒江明月心

送薛大赴安陸

前人

津頭雲雨暗湘山遷客離憂楚地顏
遙送扁舟安陸郡天邊何處穆陵關

送別魏二

前人

醉別江樓橘柚香江風引雨入船涼
憶君遙在湘山月愁聽清猿夢裏長

送萬大歸長沙

前人

桂陽秋水長沙縣楚竹離聲爲君變
青山隱隱孤舟微白鶴雙飛忽相見

巴陵送李十二

前人

搖曳巴陵洲渚分清江傳語便風聞
山長不見秋城色日暮蒹葭空水雲

送竇七

前人

清江月色傍林秋波上熒熒望一舟
鄂渚輕帆須早發江邊明月爲君留

盧溪別人

前人

武陵溪口駐扁舟
溪水隨君向北流
行到荆門上
三峽莫將孤月對
猿愁

重別李評事

前人

莫道秋江離別難
舟船明日是長安
吳姬緩舞留
君醉隨意青楓白
露寒

送李侍郎赴常州

唐賈至

雪晴雲散北風寒
楚水吳山道路難
今日送君須
盡醉明朝相憶路
漫漫

洞庭送李十二赴零陵

前人

今日相逢落葉前
洞庭秋水遠連天
共說京華舊
遊處回看北斗欲
潸然

江南送李卿

前人

雙鶴南飛度楚山
楚南相見憶秦關
願值回風吹
羽翼早隨陽鴈及
春還

別董大

唐高適

十里黃雲白日曛
北風吹鴈雪紛紛
莫愁前路無
知己天下誰人不
識君

送宇文六

唐常建

花映垂楊漢水清
微風山竹裏一枝輕
卽今江北還如此
愁殺江南離別情

送李判官使晉絳

唐岑參

西原驛路掛城頭
客散江亭雨未休
君去試看汾水上
白雲猶似漢時秋

原頭送范侍御

前人

百尺原頭酒色殷
路傍驄馬汗斑斑
別君祇有相思夢
遮莫千山與萬山

送李明府赴睦州觀太夫人

前人

手把銅章望海雲
夫人堂上泣羅裙
嚴灘一點舟中月
萬里煙波也夢君

送人還京

前人

疋馬西從天外歸
揚鞭只共鳥爭飛
送君九月交河北
雪裏題詩淚滿衣

送劉判官赴磧西

前人

火山五月行人少
看君馬去疾如鳥
都使行營太

白西角聲一動胡天曉

送人使河源

唐張謂

故人行役向邊州
匹馬今朝不少留
長路關山何日盡
滿堂絲竹爲君愁

送溫台

唐朱放

渺渺天涯君去時
浮雲流水自相隨
人生一世長如客
何必今朝是別離

重送裴郎中貶吉州

唐劉長卿

猿啼客散暮江頭
人自傷心水自流
同作逐臣君

更遠青山萬里一孤舟

送李判官之潤州行營

前人

萬里辭家事
鼓鼙金陵驛
歎楚雲西江春不肯留
行客草色青青送馬蹄

送劉萱之道州謁崔大夫

前人

沅水悠悠湘水春
臨岐一望一霑巾
信陵門下三千客
君到長沙見幾人

瓜州驛重送梁郎中赴吉州

前人

渺渺雲山去幾重依依獨聽廣陵鐘明朝借問南
來客五馬雙旌何處逢

送魏十六還蘇州

唐皇甫冉

秋夜沈沈此送君陰蟲切切不堪聞歸舟明日毘
陵道回首姑蘇是白雲

曾山送別

前人

淒淒遊子若飄蓬明月清樽祇暫同南望千山如
黛色愁君客路在其中

送崔山人歸山

唐錢起

東山殘雨掛斜暉野客巢由指翠微別酒稍酣乘
興去知君不羨白雲歸

送麴司直

唐郎士元

曙雪蒼蒼兼曙雲朔風燕鴈不堪聞負交此別無
他贈唯有青山遠送君

送別

前人

穆陵關上秋雲起安陸城邊遠行子薄暮寒蟬三
兩聲回望故鄉千萬里

送齊山人歸長白山

唐韓翃

舊事山人白兔翁
掉頭歸去又乘風
柴門流水依然
在一路寒山萬木中

送客知鄂州

前人

江口千家帶楚雲
汀花亂點雪紛紛
春風落日誰相見
青翰舟中有鄂君

送劉侍郎

唐李端

幾人同入謝宣城
未及酬恩臨死生
惟有夜猿知客恨
嶧陽溪路第三聲

江上送客

前人

故人南去漢江陰
秋雨蕭蕭蕩澤深
江上見人應下淚
由來遠客易傷心

送鄭佶歸洛陽

唐司空曙

蒼蒼楚色水雲間
一醉春風送爾還
何處鄉心是堪羨
汝南初見洛陽山

峽口送友

前人

峽口花飛欲盡春
天涯去住淚霑巾
來時萬里同爲客
今日翻成送故人

丹陽送韋參軍

唐嚴維

丹陽郭裏送行舟一別心知兩地秋日晚江南望
江北寒鴉飛盡水悠悠

揚州送客

唐李益

南行直入鷓鴣羣萬歲橋邊一送君聞道望鄉聽
不得梅花暗落嶺頭雲

送客還幽州

前人

惆悵秦城送獨歸薊門雲樹遠依依秋來莫射南
飛鴈縱遣乘春更北飛

楊柳送客

前人

青楓江畔白蘋洲楚客傷離不待秋君見隋朝更
何事綠楊南渡水悠悠

合溪送王永歸東郭

唐劉商

君去春山誰共遊鳥啼花落水空流如今送別臨
溪水他日相思來水頭

送盧起居

唐武元衡

相如擁傳有光輝何事闌干淚濕衣舊府東山餘
妓在重將歌舞送君歸

送魏簡能東遊

唐李涉

燕市悲歌又送君
目隨征鴈過寒雲
郵亭宿處時看劍
莫使塵埃蔽斗文

送蜀客

唐張籍

蜀客南行聽碧雞
木綿花發錦江西
山橋日晚行人少
時見猩猩樹上啼

送元結

前人

昔日同遊漳水邊
如今重說恨綿綿
天涯相見還相別
客路秋風又幾年

送鄭三遊山

唐盧仝

相逢之處花茸茸
峭壁攢峯三萬重
他日期君何處所
寒流石上一株松

瓜州送朱萬言

唐顧非熊

渡頭風晚葉飛頻
君去還吳我入秦
雙淚別家猶未斷
不堪仍送故鄉人

謝亭送別

唐許渾

勞歌一曲解行舟
紅葉青山水急流
日暮酒醒人已遠
滿天風雨下西樓

暮春澹水送別

唐韓琮

綠暗紅稀出鳳城暮雲宮闕古今情行人莫聽宮
前水流盡年光是此聲

逢友人上都

唐釋法振

玉帛徵賢楚客稀猿啼相送武陵歸潮頭望入桃
花去一片春帆帶雨飛

暮春送人

唐釋無悶

折柳亭邊手重攜江煙澹澹草萋萋杜鵑不顧離
人意更向落花枝上啼

送友人

唐妓薛濤

水國蒹葭夜有霜月寒山色共蒼蒼誰言千里自
今夕離恨杳如關塞長

送盧員外

前人

玉壘山前風雪夜錦官城外別離魂信陵公子如
相問長向夷門感舊恩

送陳明府赴淮南

唐韓翃

年華近過清明落日微風送行黃鳥綿蠻芳樹紫
騶蹀躞東城花間一杯促膝煙外千里含情應渡
淮南信宿諸侯擁旆相迎

送萬臣

唐盧綸

把酒留君聽琴誰堪歲暮離心霜葉無風自落秋
雲不雨空陰人愁荒村路細馬怯寒溪水深望盡
青山獨立更知何處相尋

送李億東歸

唐周賀

黃山遠隔秦樹紫禁斜通渭城別路青青柳弱前
溪漠漠花生和風澹澹歸客落日殷勤早鶯灞上
金樽未飲讌歌已有餘聲

送裴相公上太原

唐王建

還攜堂印向并州將相兼權是武侯時難獨當天
下事功成却進手中籌再三陳乞爐煙裏前後分
張玉案頭朱架早朝排立戟綠槐殘雨看張油遙
知鴈塞從今好直到漁陽以北愁邊鋪恐巡旂盡
換山城欲過館重修千羣白刃兵迎節十對紅妝
妓打毬聖主分明教暫去不須高起見京樓

詩宿卷之十六終

袁擢楷書

古自寵校刊

張贄督刊

國家圖書館, NATIONAL CENTRAL LIBRARY, TAIWAN, R.O.C.

詩
宿

卷十七之十八

留別部
契闊部
懷憶
尋訪
會遇
胃集
昂集

國家圖書館, NATIONAL CENTRAL LIBRARY, TAIWAN, R.O.C

詩宿卷之十七

胃集

長山劉一相彙輯 男鴻訓鴻範鴻采叅閱

章丘木良知

稷山梁蕙 鄭寅校次

關中何補之 來臨訂正

留別部

詩四首

漢蘇武

骨肉緣枝葉結交亦相因四海皆兄弟誰為行路
人況我連枝樹與子同一身昔為鴛鴦今為參



言定
與辰昔者常相近邈若胡與秦惟念當乖離思情
日以新鹿鳴思野草可以喻嘉賓我有一尊酒欲
以贈遠人願子留斟酌敘此平生親

結髮爲夫妻恩愛兩不疑歡娛在今夕燕婉及良
時征夫懷往路起視夜何其參辰皆已沒去去從
此辭行役在戰場相見未有期握手一長歎淚爲
生別滋努力愛春華莫忘歡樂時生當復來歸死
當長相思

黃鵠一遠別千里顧徘徊胡馬失其羣思心常依
依何況雙飛龍羽翼臨當乖幸有絃歌曲可以喻
中懷請爲遊子吟泠泠一何悲絲竹厲清聲慷慨
有餘哀長歌正激烈中心愴似摧欲展清商曲念
子不得歸俛仰內傷心淚下不可揮願爲雙黃鵠
送子俱遠飛

燭燭晨明月馥馥我蘭芳芬馨良夜發隨風聞我
堂征夫懷遠路遊子戀故鄉寒冬十二月晨起踐
嚴霜俯觀江漢流仰視浮雲翔良友遠別離各在
天一方山海隔中州相去悠且長嘉會難再遇歡

言定
樂殊未央願君崇令德隨時愛景光

蘇武答詩二首

漢無名氏

童童孤生柳寄根河水泥連翩遊客子於冬服涼
衣去家千里餘一身長渴饑寒夜立清庭仰瞻天
漢湄寒風吹我骨嚴霜切我肌憂心常慘戚晨風
爲我悲瑤光游何速行願支荷遲仰視雲間星忽
若割長帷低頭還自憐盛年行已衰依依戀明世
愴愴難久懷

雙鳧俱北飛一鳧獨南翔子當留斯館我當歸故
鄉一別如秦胡會見何詎央愴恨切中懷不覺淚
霑裳願子長努力言笑莫相忘

征西官屬送於陟陽候作 晉孫楚

晨風飄岐路零雨被秋草傾城遠追送餞我千里
道三命皆有極咄嗟安可保莫大於殤子彭聃猶
爲天吉凶如糾纏憂喜相紛繞天地爲我鑪萬物
一何小達人垂大觀戒此苦不早乖離卽長衢惆
悵盈懷抱孰能察其心鑿之以蒼昊齊契在今朝
守之與偕老

言定
冊集卷之十七
登臨海嶠初發疆中作與從弟惠連可見羊
何共和之四首
宋謝靈運

杪秋尋遠山山遠行不近與子別山阿含酸赴脩
吟中流袂就判欲去情不忍顧望脰未涓汀曲舟
已隱

隱汀絕望舟驚櫂逐驚流欲抑一生歡并奔千里
遊日落當棲薄繫纜臨江樓豈惟夕情斂憶爾共
淹留

淹留昔時歡復增今日歎茲情已分慮況乃協悲

端秋泉鳴北澗哀猿響南巒戚戚新別心悽悽久
念攢

攢念攻別心旦發清谿陰暝投刻中宿明登天姥
岑高高入雲霓還期那可尋儻遇浮丘公長絕子
徽音

鄰里相送至方山

前人

祇役出皇邑相期憩甌越解纜及流潮懷舊不能
發析析就衰林皎皎明秋月含情易爲盈遇物難
可歇積痾謝生慮寡欲罕所闕資此永幽棲豈伊

言宿
羊歲別各勉日新志音塵慰寂蔑

代東門行節文

宋鮑照

傷禽惡絃驚倦客惡離聲離聲斷客情賓御皆涕
零涕零心斷絕將去復還訣一息不相知何況異
鄉別遙遙征駕遠杳杳白日晚居人掩閨臥行子
夜中飭食梅常苦酸衣葛常苦寒絲竹徒滿座憂
人不解顏長歌欲自慰彌起長恨端

吳興黃浦亭庾中郎別 前人

風起洲渚寒雲上日無輝連山眇煙霧長波迴難

依旅鴈方南過浮客未西歸已經江海別復與親
眷違奔景易有窮離袖安可揮懽觴爲悲酌歌服
成泣衣溫念終不渝藻志遠存追役人多牽滯顧
路慙奮飛昧心附遠翰炯言藏佩韋

離夜

齊謝朓

玉繩隱高樹斜漢耿曾臺離堂華燭盡別幌清琴
哀翻潮尚知恨客思眇難裁山川不可盡况乃故
人杯

別詩

齊張融

白雲山上盡清風
松下歇欲識離人悲
孤臺見明月

別荊州吏民

梁元帝

玉節居分陝
金貂總上流
麾軍時舉扇
作賦且登樓
年光徧原隰
春色滿汀洲
日華三翼舸
風轉七星旂
向解青絲纜
將移丹桂舟

別王謙

梁吳均

嚴光不逐世流轉
任飛蓬欲還天台嶺
不狎甘泉宮
離歌玉絃絕
別酒金卮空
倘遺故人念
僕在東

山東

贈別新林

前人

僕本幽并兒
抱劍事邊陲
風亂青絲絡
霧染黃金羈
天子既無賞
公卿竟不知
去去歸去來
還傾鸚鵡杯
氣爲故交絕
心爲新知開
但令寸心是
何須銅雀臺

發湘洲贈親故別三首

前人

相送出江潯
淚下霑衣襟
何用敘離別
臨岐贈好音
敬通才如此
君山學復深
明哲遂無賞
文華空

詩宿 見沉古來非一日無事更勞心

雲生曉靄靄花落夜霏霏問余何意別答言倦遊
歸徒勞易水布空負洛陽衣懷金無人別抱玉遂
成非安得久留滯商山饒白薇

君留朱門裏我至廣江濱城高望猶見風多聽不
聞流瀕方繞繞落葉尚紛紛無由得共賞山川間
白雲

臨行與故遊夜別

梁何遜

歷稔共追隨一旦辭羣匹復如東注水未有西歸

日夜雨滴空堦曉燈暗離室相悲各罷酒何時同
促膝

重別周尚書二首

北周庾信

陽關萬里道不見一人歸唯有河邊鴈秋來南向
飛

河橋兩岸絕橫岐數路分山川遙不見懷袖遠相
聞

夏日暉上人房別李參軍崇嗣

唐陳子昂

四十九變化一十三死生翕忽玄黃裏驅馳風雨
情是非紛妄作寵辱坐相驚至人獨幽鑒窈窕隨
昏明咫尺山河道軒牕日月庭別離焉足問悲樂
固能并我輩何爲爾栖皇猶未平金臺可攀陟寶
界絕將迎戶牖觀天地階基上杳冥自超三界樂
安知萬里征中國要荒內人寰宇宙榮弦望如朝
夕寧嗟蜀道行

留別王維

唐立爲

歸鞍白雲外繚繞出前山今日又明日自知心不

閒親勞簪組送欲赴鶯花還一步一迴首遲遲向
近關

宋中別周梁李三子

唐高適

曾是不得意適來兼別離如何一樽酒翻作滿堂
悲周子負高價梁生多逸詞周旋梁宋間感激建
安時白雪正如此青雲無自疑李侯懷英雄骭髀
乃天資方寸且無間衣冠當在斯俱爲千里遊忽
念兩鄉辭且見壯心在莫嗟攜手遲涼風吹北原
落日滿西陂露下草初白天長雲屢滋我心不可

得君兮定何之京洛多知己誰能憶左思

別離曲

唐陸龜蒙

丈夫非無淚不洒離別間仗劍對樽酒恥爲游子
顏蝮蛇一螫手壯士疾解腕所思在功名離別何
足歎

春日留別

唐孫逖

春日逶迤花柳前孤舟晚泊就人煙東山白雲不
可見西陵江月夜娟娟春江夜盡潮聲度征帆遙
從此中去越國山川看漸無可憐愁思江南樹

金陵酒肆留別

唐李白

風吹柳花滿店香吳姬壓酒勸客嘗金陵子弟來
相送欲行不行各盡觴請君試問東流水別意與
之誰短長

夢遊天姥吟留別

前人

海客談瀛洲煙濤微茫信難求越人語天姥雲霓
明滅或可覩天姥連天向天橫勢拔五嶽掩赤城
天台四萬八千丈對此欲倒東南傾我欲因之夢
吳越一夜飛度鏡湖月湖月照我影送我至剡溪

謝公宿處今尚在綠水蕩漾清猿啼脚著謝公屐
身登青雲梯半壁見海日空中聞天雞千巖萬轉
路不定迷花倚石忽已暝熊咆龍吟殷巖泉慄深
林兮驚層巖壑蒼蒼兮欲雨水澹澹兮生煙列缺
霹靂丘巒崩摧洞天石扇訇然中開青冥浩蕩不
見底日月照耀金銀臺霓爲衣兮風爲馬雲之君
兮紛紛而來下虎鼓瑟兮鸞回車仙之人兮列如
麻忽魂悸以魄動恍驚起而長嗟惟覺時之枕席
失向來之煙霞世間行樂亦如此古來萬事東流

水別君去兮何時還且放白鹿青崖間須行卽騎
訪名山安能摧眉折腰事權貴使我不得開心顏

別韋參軍

唐高適

二十解書劍西遊長安城舉頭望君門屈指取公
卿國風冲融邁三五朝廷禮樂彌寰宇白璧皆言
賜近臣布衣不得干明主歸來洛陽無負郭東過
梁宋非吾土兔苑爲農歲不登鴈池垂釣心長苦
世人向我同衆人唯君於我最相親且喜百年見
交態未嘗一日辭家貧彈碁擊筑白日晚縱酒高

歌楊柳春歡娛未盡分散去使我惆悵驚心神丈
夫不作兒女別臨岐涕淚霑衣巾

秋日奉別王長史

唐王勃

別路餘千里深恩重百年正悲西候日更動北梁
篇野色籠寒霧山光斂暮煙終知難再奉懷德自
潜然

別薛升華

前人

明月沉珠浦秋風濯錦川樓臺臨絕岸洲渚亘長
天旅泊成千里棲遑共百年窮途唯有淚還望獨

潜然

秋日別薛升華

前人

送送多窮路遑遑獨問津悲涼千里道悽斷百年
身心事同漂泊生涯共苦辛無論去與住俱是夢
中人

別李嶠得勝字

唐駱賓王

芳尊徒自滿別恨轉難勝客似遊江岸人疑上灞
陵寒更承夜永涼景向秋澄離心何以贈自有玉
壺冰

言宿
落第西還別劉祭酒高明府

唐陳子昂

別館分周國歸驂入漢京地連函谷塞川接廣陵
城望迴樓臺出途遙煙霧生莫言長落羽貧賤一
交情

春夜別友人

前人

銀燭吐清煙金尊對綺筵離堂思琴瑟別路遶山
川明月隱高樹長河沒曉天悠悠洛陽道此會在
何年

留別之望舍弟

唐宋之間

同氣有三人分飛在此晨西馳巴嶺徼東去汶陽
濱強飲離前酒終傷別後神誰憐散花萼獨赴日
南春

渡吳江別王長史

前人

倚櫂望茲川銷魂獨黯然鄉連江北樹雲斷日南
天劒別龍初沒書成鴈不傳離舟意無限催渡復
催年

留別杜審言并呈洛中舊遊

唐崔融

斑鬢今爲別紅顏昨共遊
年年春不待處處酒相
留駐馬西橋上回車南陌頭
故人從此隔風月坐
悠悠

端州別高六

唐張說

異壤同羈寬途中喜共過
愁來時舉酒勞罷或長
歌南海風潮壯西江瘴癘多
於焉復分手此別傷
如何

留別王維

唐孟浩然

寂寂竟何待朝朝空自歸
欲尋芳草去惜與故人
違當路誰相假知音世所稀
祇應守寂寞還掩故
園扉

京還別新豐友

前人

吾道昧所適驅車還向東
主人開舊館留客醉新
豐樹繞溫泉綠塵遮晚日
紅拂衣從此去高步躡
華嵩

夜別張五

唐李白

吾多張公子別酌酣高堂
聽歌舞銀燭把酒輕羅

言宿 胃集卷之十七 十三
裳橫笛弄秋水琵琶彈陌桑龍泉解錦帶爲爾傾
千觴

江夏別宋之悌

前人

楚水清若空遙將碧海通人分千里外興在一盃
中谷鳥吟晴日江猿嘯晚風平生不下淚於此泣
無窮

贈別鄭判官

前人

竄逐勿復哀慙君問寒灰浮雲本無意吹落章華
臺遠別淚空盡長愁心已摧三年吟澤畔顛顛幾

時迴

別儲邕之剡中

前人

借問剡中道東南指越鄉舟從廣陵去水入會稽
長竹色溪下綠荷花鏡裏香辭君向天姥拂石臥
秋霜

留別裴總盧象

唐祖詠

朝來已握手宿別更傷心灞水行人渡商山驛路
深故情君且足謫宦我難任直道皆如此誰能淚
滿襟

詩函

胃集卷之十七

十一

別王八

唐高適

征馬嘶長路離人挹佩刀客來東道遠歸去北風高時候何蕭索鄉心正鬱陶傳君遇知己行日有綈袍

發臨洮將赴北庭留別

唐岑參

聞說輪臺路連年見雪飛春風不會到漢使亦應稀白草通疎勒青山過武威勤王敢道遠私向夢中歸

船下夔州郭宿雨濕不得上岸別王十二判

官

唐杜甫

依沙宿舸船石瀨月娟娟風起春燈亂江鳴夜雨懸晨鐘雲外濕勝地石堂偏柔櫓輕鷗外含悽覺汝賢

暮秋將歸秦留別湖南幕府親友

前人

水闊蒼梧野天高白帝秋途窮那免哭身老不禁愁大府才能會諸公德業優北歸衝雨雪誰救敝貂裘

留別賈嚴二閣老兩院補闕

前人

田園須暫往戎馬惜離羣去遠留詩別愁多任酒
醺一秋常苦雨今日始無雲山路晴吹角那堪處
處聞

赴新安別梁侍御

唐劉長卿

新安君莫問此路水雲深江海無行跡孤舟何處
尋青山空向淚白日豈知心縱有餘生在終傷老
病侵

烏程水樓留別

唐皇甫曾

悠然千里去惜此一尊同客散高樓上飄飛細雨
中川程隨遠水楚思望青楓共說前期易滄波處
處通

雲陽館與韓紳宿別

唐司空曙

故人江海別幾度隔山川乍見翻疑夢相悲各問
年孤燈寒照雨深竹暗浮煙更有明朝恨離杯惜
共傳

假攝池州留別東溪隱居 唐朱灣

詩苑 卷之十七 十六
一官仍是假豈願數離羣愁鬢看如雪浮名認是
雲暫辭南國隱莫勒北山文今夜松溪月還應夢
見君

江上別張歡

唐戴叔倫

年年五湖上厭見五湖春長醉非關酒多愁不爲
貧山川迷道路伊洛暗風塵今日扁舟別俱爲滄
海人

潘處士宅會別

前人

相邀寒景晚惜別故山空鄰里疎林在池塘野水
通十年多難後一醉幾人同復此悲行子蕭蕭逐
轉蓬

別同志

唐鄭谷

所立共寒苦平生同與遊相看臨遠水獨自上孤
舟天淡滄浪晚風悲蘭杜秋前程吟此景爲子上
高樓

別中都兄明府

唐李白

吾兄詩酒繼陶君試宰中都天下聞東樓喜奉連
枝會南陌愁爲落葉分城隅綠水明秋日海上青

言宿
山隔暮雲取醉不辭留夜月鴈行中斷惜離羣

別韋郎中

唐張謂

星軺計日赴岷峨雲樹連天阻笑歌南入洞庭隨
鴈去西過巫峽聽猿多崢嶸洲上飛黃蝶灑瀨堆
邊起白波不醉郎中桑落酒教人無奈別離何

晚別樂記室

唐褚亮

窮途屬歲晚臨水忽分悲抱影同爲客傷情共此
時霧色侵虛牖霜氣冷薄帷舉袂慘將別停杯悵
不怡風嚴征鴈遠雪暗壓蓬遲他鄉有岐路遊子

欲何之

西行別東臺詳正學士

唐駱賓王

意氣坐相親關河別故人客似秦川上歌疑易水
濱塞荒行辨玉臺遠尚名輪洩井懷邊將尋源重
漢臣上苑梅花早御溝楊柳新祇應持此曲別作
邊城春

別人

唐王勃

久客逢餘閏他鄉別故人自然堪下淚誰忍望征
塵

南行別弟二首

唐韋承慶

澹澹長江水悠悠遠客情落花相與恨到地一無聲

萬里人南去三春鴈北飛不知何歲月得與爾同歸

留別崔興宗

唐王維

駐馬欲分襟清寒御溝上前山景氣佳獨往還惆悵

九日陪元魯山登北城留別

唐蕭穎士

綿連渚川迴杳渺鴉路深彭澤興不淺臨風動歸心

渭水西別李崙

唐崔國輔

隴右長亭堠山深古塞秋不知嗚咽水何事向西流

赴章陵酬李卿贈別

唐錢起

一官叨下秩九棘謝知音芳草文園路春愁滿別心

別盧秦卿

唐司空曙

知有前期在難分此夜中無將故人酒不及石尤風

別盧綸

唐暢當

故交君獨在又欲與君離我有新愁淚非關秋氣悲

別酒主人

唐山中客

酒盡君莫沽壺乾我共
苗發城市多罾塵還山弄明月

別內赴徵

唐李白

王命三徵去未還明朝離別出吳關白玉高樓看
不見相思須上望夫山

別辛漸

唐王昌齡

別館蕭條風雨寒扁舟月色渡江看酒酣不識關
西道却望春江雲尚殘

別陶副使歸南海

前人

南越歸人夢海樓廣陵新月海亭秋寶刀留贈長
相憶當取戈船萬戶侯

別李浦之京

前人

故園今在灞陵西江畔逢君醉不迷小弟隣莊尚
漁獵一封書寄數行啼

巴陵夜別王八員外

唐賈至

柳絮飛時別洛陽梅花發後在三湘世情已逐浮
雲散離恨空隨江水長

岳陽樓重宴別王八員外貶長沙

前人

江路東連千里潮青雲北望紫微遙莫道巴陵湖
水闊長沙南畔更蕭條

別裴九弟

前人

西江萬里向東流今夜江邊駐客舟月色更添春
色好蘆風似勝竹風幽

辭房相公

唐張僊

秋風颯颯雨霏霏愁殺栖遑一布衣辭君且作隨
陽鴈海內無家何處歸

夜宴南陵留別

唐李嘉祐

雪滿前庭月色閒主人留客未能還預愁明日相

思處匹馬千山與萬山

重別曾主簿時諸妓同餞 唐許渾

淚沾紅粉濕羅巾重繫蘭舟勸酒頻留却一枝河
畔柳明朝猶有遠行人

古別離

唐韋莊

晴煙漠漠柳毵毵不那離情酒半酣更把玉鞭雲
外指斷腸春色在江南

東陽酒家贈別

前人

天涯方歎異鄉身又向天涯別故人明日五更孤

店月醉醒何處各霑巾

江上別李秀才二首

前人

前年相送灞陵春今日天涯各避秦莫向尊前惜
沉醉與君俱是異鄉人

千山紅樹萬山雲把酒相看日又曛一曲離歌兩
行淚不知何地再逢君

有別

唐陸龜蒙

且將絲絳繫蘭舟醉下煙汀減去愁江上有樓君
莫上落花隨浪正東流

言
淮上別故人

唐鄭谷

楊子江頭楊柳春
楊花愁殺渡江人
數聲風笛離亭晚
君向瀟湘我向秦

絕句

唐無名氏

去年花下留連飲
暖日天桃鶯亂啼
今日江邊容易別
淡煙衰草馬頻嘶

發越州赴閩州使院留別鮑侍御

唐劉長卿

對水看山別離孤
舟日暮行遲江北
江南春草獨

向金陵去時

詩宿卷之十七終

袁 擢楷書

古自寵校刊

張 贇督刊

國家圖書館, NATIONAL CENTRAL LIBRARY, TAIWAN, R.O.C.

詩宿卷之十八

昂集

長山劉一相彙輯 男鴻訓鴻範鴻采參閱

章丘木良知

稷山梁蕙 鄭寅校次

關中何補之 來臨訂正

契闊部

懷憶類

琴歌

古逸

樂莫樂兮新相知 悲莫悲兮生別離

雜詩

漢枚乘

蘭若生春陽涉冬猶盛滋願言追昔愛情款感四
時美人在雲端天路隔無期夜光照玄陰長歎戀
所思誰爲我無憂積念發狂癡

悲愁歌

漢烏孫公主

吾家嫁我兮天一方遠託異國兮烏孫王穹廬爲
室兮氈爲墻以肉爲食兮酪爲漿常思漢土兮心
內傷願爲黃鵠兮歸故鄉

定情歌

漢張衡

大火流兮草蟲鳴繁霜降兮草木零秋爲期兮時
已征思美人兮愁屏營

飲馬長城窟行

漢蔡邕

青青河邊草綿綿思遠道遠道不可思宿昔夢見
之夢見在我傍忽覺在他鄉他鄉各異縣展轉不
可見枯桑知天風海水知天寒入門各自媚誰肯
相爲言客從遠方來遺我雙鯉魚呼童烹鯉魚中
有尺素書長跪讀素書書中竟何如上有加餐食
下有長相憶

思友詩

漢梁鴻

鳥嚶嚶兮友之期念高子兮僕懷思想念念恢兮爰
集茲

留郡贈婦詩二首

漢秦嘉

人生譬言朝露居世多屯蹇憂難常早至歡會常苦
晚念當奉時役去爾日遙遠遣車迎子還空往復
空返省書情悽愴臨食不能飮獨坐空房中誰與
相勸勉長夜不能眠伏枕獨展轉憂來如循環匪
席不可卷

皇靈無私親爲善荷天祿傷我與爾身少小罹
獨旣得結大義歡樂苦不足念當遠離別思念敘
欵曲河廣無舟梁道近隔丘陵臨路懷惆悵中駕
正躑躅浮雲起高山悲風激深谷良馬不迴鞍輕
車不轉轂針藥可屢進愁思難爲數貞士篤終始
恩義不可促

有所思

漢樂府

有所思乃在大海南何用問遺君雙珠璣瑁簪用
玉紹繚之聞君有他心拉雜摧燒之摧燒之當風

揚其灰從今已往勿復相思相思與君絕雞鳴狗
吠兄嫂當知之妃呼豨秋風肅肅晨風颯東方須
臾高知之

傷歌行

同前

昭昭素明月輝光燭我牀憂人不能寐耿耿夜何
長微風吹閨闥羅幃自飄揚攬衣曳長帶徒履下
高堂東西安所之徘徊以徬徨春鳥翻南飛翩翩
獨翱翔悲聲命儔匹哀鳴傷我腸感物懷所思泣
涕忽霑裳佇立吐高吟舒憤訴穹蒼

古詩八首

漢無名氏

行行重行行與君生別離相去萬餘里各在天一
涯道路阻且長會面安可知胡馬依北風越鳥巢
南枝相去日已遠衣帶日已緩浮雲蔽白日遊子
不顧返思君令人老歲月忽已晚棄捐勿復道努
力加餐飯

西北有高樓上與浮雲齊交疏結綺窻阿閣三重
塔上有絃歌聲音響一何悲誰能爲此曲無乃杞
梁妻清商隨風發中曲正徘徊一彈再三歎慷慨

有餘哀不惜歌者苦但傷知音稀願爲雙鴻鵠奮
翅起高飛

涉江采芙蓉蘭澤多芳草采之欲遺誰所思在遠
道還顧望舊鄉長路漫浩浩同心而離居憂傷以
終老

庭中有奇樹綠葉發華滋攀條折其榮將以遺所
思馨香盈懷袖路遠莫致之此物何足貴但感別
經時

迢迢牽牛星皎皎河漢女織織擢素手札札弄機
杼終日不成章泣涕零如雨河漢清且淺相去復
幾許盈盈一水間脉脉不得語

凜凜歲云暮蟋蟀鳴悲涼風率已厲遊子寒無
衣錦衾遺洛浦同袍與我違獨宿累長夜夢想見
容輝良人惟古歡枉駕惠前綏願得常巧笑攜手
同車歸旣來不須臾又不處重闈亮無晨風翼焉
能凌風飛眇眇以適意引領遙相睇徙倚懷感傷
垂涕霑雙屣

孟冬寒氣至北風何慘慄愁多知夜長仰觀衆星

言宿
列三五明月滿四五蟾兔闕客從遠方來遺我一
書札上言長相思下言久離別置書懷袖中三歲
字不滅一心抱區區懼君不識察
客從遠方來遺我一端綺相去萬餘里故人心尚
爾文彩雙鴛鴦裁爲合歡被著以長相思緣以結
不解以膠投漆中誰能別離此

又

同前

步出城東門遙望江南路前日風雪中故人從此
去我欲渡河水河水深無梁願爲雙黃鸝高飛還

故鄉

又

同前

穆穆清風至吹我羅衣裾青袍似春草長條隨風
舒朝登津梁山寒裳望所思安得抱柱信皎日以
爲期

長歌行

同前

峒峒山上亭皎皎雲間星遠望使心思遊子戀所
生驅車出北門遙觀洛陽城凱風吹長棘夭夭枝
葉傾黃鳥飛相追皎皎弄音聲竚立望西河泣下

露羅纓

短歌行

魏武帝

對酒當歌人生幾何譬如朝露去日苦多慨當以慷憂思難忘何以解憂唯有杜康青青子衿悠悠我心但爲君故沉吟至今呦呦鹿鳴食野之苹我有嘉賓鼓瑟吹笙明明如月何時可掇憂從中來不可斷絕越陌度阡枉用相存契濶談讌心念舊恩月明星稀烏鵲南飛繞樹三匝何枝可依山不厭高海不厭深周公吐哺天下歸心

善哉行二首

魏文帝

上山採薇薄暮苦饑谿谷多風霜露霑衣野雉羣雛猿猴相追還望故鄉鬱鬱何壘壘高山有崖林木有枝憂來無方人莫之知人生如寄多憂何爲今我不樂歲月如馳湯湯川流中有行舟隨波轉薄有似客遊策我良馬被我輕裘載馳載驅聊以忘憂

有美一人婉如青揚妍姿巧笑和媚心腸知音識曲善爲樂方哀絃微妙清氣含芳流鄭激楚度宮

中商感心動耳綺麗難忘離鳥夕宿在彼中洲延
頸鼓翼悲鳴相求眷然顧之使我心愁嗟爾昔人
何以忘憂

燕歌行

魏明帝

白日晚晚忽西傾霜露慘悽塗階庭秋草捲葉摧
枝莖翩翩飛蓬常獨征有似遊子不安寧

雜詩

魏曹植

高臺多悲風朝日照北林之子在萬里江湖迴且
深方舟安可極離思故難任孤雁西飛南遊過庭長
哀吟翹思慕遠人願欲托遺音口形影忽不見翩翩
傷我心

又

魏王粲

日暮遊西園葦寫憂思情曲池揚素波列樹敷丹
榮上有特棲鳥懷春向我鳴褰袵欲從之路險不
得征徘徊不能去佇立望爾形風颺揚塵起白日
忽已冥回身入空房託夢通精誠人欲天不違何
懼不合并

情詩二首

晉張華

清風動帷簾晨月照幽房佳人處遐遠蘭室無容
光襟懷擁虛景輕衾覆空牀居歡惜夜促在戚怨
宵長拊枕獨嘯歎感慨心內傷

遊目四野外逍遙獨延佇蘭蕙緣清渠繁華蔭綠
渚佳人不在茲取此欲誰與巢居知風寒穴處識
陰雨不會遠別離安知慕儔侶

內顧詩二首

晉潘岳

靜居懷所歡登城望四澤春草鬱青青桑柘何奕
奕芳林振朱榮淶水激素石初征冰未泮忽焉衿

絺綌漫漫三千里迢迢遠行客馳情戀朱顏寸陰
過盈尺夜愁極清晨朝悲終日夕山川信悠永願
言良弗獲引領訊歸期沈思不可釋

獨悲安所慕人生若朝露綿邈寄絕域眷戀想平
素爾情既來追我心亦還顧形體隔不達精爽交
中路不見山下松隆冬不易故不見澗邊栢歲寒
守一度無謂希見疎在遠分彌固

思友人詩

晉曹日攄

密雲翳陽景霖潦淹庭除嚴霜彫翠草寒風振纖

詩宿
枯凜凜天氣清落落卉木疎感時歌蟋蟀思賢詠
白駒情隨玄陰滯心與迴飈俱思心何所懷懷我
歐陽子精義測神奧清機發妙理自我別旬朝微
言絕于耳褰裳不足難清揚未可俟延首出階檐
佇立增想似

思歸引

晉石崇

思歸引歸河陽假余翼鴻鶴高飛翔經芒阜濟河
梁望我舊館心悅康清渠激魚彷徨鴈驚泝波羣
相將終日周覽樂無方登雲閣列姬姜拊絲竹叩

宮商宴華池酌玉觴

懊儂歌三首

晉無名氏

江陵去揚州三千三百里已行一千三所有二千
在

長檣鐵鹿子布帆阿那起詫儂安在間一去三千
里

月落天欲曙能得幾時眠悽悽下牀去儂病不能
言

黃鵠曲四首

同前

詩宿
黃鸝參天飛半道鬱徘徊腹中車輪轉君知思憶誰

黃鸝參天飛半道還哀鳴三年失羣侶生離傷人情

黃鸝參天飛凝融爭風回高翔入玄闕時復乘雲頽

黃鸝參天飛半道還後渚欲飛不復飛悲鳴覓羣侶

黃竹子歌

同前

江邊黃竹子堪我女兒箱一船使兩槳得娘還故鄉

擬室思

宋孝武帝

自君之出矣金翠闇無精思君如日月迴環晝夜生

又

宋顏師伯

自君之出矣芳帷低不舉思君如迴雪流亂無端緒

艷歌行

宋劉義恭

言宿
江南遊湘妃窈窕漢濱女淑問流古今蘭音媚鄭
楚瑤顏映長川善服照通濟求思望襄筵歎息對
衡渚中情未相感搔首增企予悲鴻失良匹俯仰
戀儔侶徘徊忘寢食羽翼不能舉傾首佇春燕爲
我津辭語

夜宿石門

宋謝靈運

朝寒苑中蘭畏彼霜下歇暝還雲際宿弄此石上
月鳥鳴識夜棲木落知風發異音同至聽殊響俱
清越妙物莫爲賞芳醕誰與代美人竟不來陽阿
徒晞髮

南樓中望所逢客

前人

杳杳日西頽漫漫長路迫登樓爲誰思臨江逢來
客與我別所期期在三五夕圓景早已滿佳人殊
未適卽事怨睽攜感物方悽感孟夏非長夜晦明
如歲隔瑤華不堪折蘭若已屢摘路阻莫贈問云
何慰離析搔首訪行人引領北異良覲

飛來雙白鵠

宋吳邁遠

可憐雙白鵠雙雙絕塵氛連翩弄光景交頸遊青

言宿
雲逢羅復逢繖雌雄一旦分哀聲流海曲孤叫絕
江濱豈不慕前侶爲爾不及羣步步一零淚千里
猶待君樂哉新相知悲矣生別離持此百年命共
逐寸陰移譬如空山草零落心自知

秋思引

宋湯惠休

秋寒依依風過河白露蕭蕭洞庭波思君末光光
已滅眇眇悲望如思何

擬客從遠方來

宋鮑令暉

客從遠方來贈我漆鳴琴木有相思文弦有別離

音終身執此調歲寒不改心願作陽春曲宮商長
相尋

同王主簿有所思

齊謝朓

佳期期未歸望望下鳴機徘徊東陌上月出行人
稀

懷故人

前人

芳洲有杜若可以贈佳期望望忽超遠何由見所
思行行未千里山川已間之離居方歲月故人不
在茲清風動簾夜孤月照窻時安得同攜手酌酒

賦新詩

自君之出矣

齊王融

自君之出矣金爐香不燃思君如明燭中宵空自煎

芳樹

前人

相望早春日煙華雜如霧復此佳麗人含情結芳樹綺羅已自憐萱風多有趣去來徘徊者佳人不可遇

行路難

燕口釋寶月

君不見孤鴈關外發酸嘶度揚越空城客子心腸斷幽閨思婦氣欲絕凝霜夜下拂羅衣浮雲中斷開明月夜夜遙遙徒相思年年望望情不歇寄我匣中青銅鏡倩人爲君除白髮行路難行路難夜聞南城漢使度使我流淚憶長安

古意二首

梁武帝

飛鳥起離離驚鳥散忽差池噉嘈繞樹上翩翩集寒枝旣悲征役久偏傷壠上兒寄言閨中妾此心誰能知不見松蘿上葉落根不移

詩宿
昇集卷之十一
十四
當春有一草綠花復垂枝云是忘憂物生在北堂
陸飛飛雙蛺蝶低低兩差池差池低復起此芳性
不移飛蝶雙復隻此心人莫知

臨高臺

前人

高臺半行雲望望高不極草樹無參差山河同一
色鬢鬢洛陽道道遠難別識玉階故情人情來共
相憶

有所思

前人

誰言生離久適意與君別衣上芳猶在握裏書未
滅腰間雙綺帶夢爲同心結常恐所思露瑤花未
忍折

江南思

梁簡文帝

江南有妙妓時則應璿樞月暈蒼冥缺秋還懸炭
枯含丹和九轉芳樹廕三株何辭天后諂終是到
仙都

有所思三首

前人

可歎不可思可思不可見餘弦斷瑟柱殘朱染歌
扇

寂寂暮檐響黯黯垂簾色唯有瓠觚苔如見蜘蛛
織

入林看碯礪春至定無賒何時一可見更得似梅
花

傷離新體

前人

傷離復傷離別後情鬱紆悽悽隱去權憫憫愴還
途慙慙意不申轉顧獨霑襟前驅經御宿後騎歷
河濟胡香翼還憶清笳送後塵落日斜飛蓋餘暉
承畫輪柳影長橫路槐枝深隱人桂宮夕掩銅龍

扉甲館宵垂雲母幃朧朧月色上的的夜螢飛草
香襲余袂露灑霑人衣帶堞凌城雲亂聚排枝度
葉鳥爭歸盆中浮蟻不能酌琴間玉徽調別鶴別
鶴千里別離聲絃調軫急心自驚試起登南樓還
向華池遊前時篠生今欲合近日栽荷尚不抽猶
是銜杯共賞處今茲對此獨生愁樓高望曖曖山
川自分態偃師雖北連轆轤已南背遠聽寂無聞
遙瞻目有閔含毫意不迷長歎情無賴

別詩

梁元帝

言宿
昇集卷之十八
昆明夜月光如練上林朝花色如霰花朝月夜動
春心誰忍相思不相見

登顏園故閣

前人

高樓三五夜流影入丹墀先時留上客夫壻美容
姿妝成理蟬鬢笑罷斂蛾眉衣香知步近釧動覺
行遲如何舞館樂翻見歌梁悲猶懸北窻幌未捲
南軒帷寂寂空郊暮非復少年時

有所思

梁沈約

西征登隴首東望不見家關樹抽紫葉寒草發菁
芽昆明當欲滿蒲萄應作花垂淚對漢使因書寄

狹斜

春思

前人

楊柳亂如絲綺羅不自持春草萑復綠客心傷此
時青苔已結洧碧水復盈淇日華照趙瑟風色動
燕姬襟前萬行淚故是一相思

爲鄰人有懷不至

前人

影逐斜月來香隨遠風入言是定知非欲笑翻成
泣

言宿
別詩二首

梁范雲

洛陽城東西長作經時別昔去雪如花今來花如雪

孤煙起新豐候鴈出雲中草低金城霧木下玉門
風別君河初滿思君月屢空折桂衡山北摘蘭沅
水東蘭摘心焉寄桂折意誰通

有所思

前人

如何有所思而無相見時宿昔夢顏色階庭尋履
綦高張更何已引滿終自持欲知憂能老爲視鏡

中絲

長相思

梁張率

長相思久離別美人之遠如雨絕獨延佇心中結
望雲雲去遠望鳥鳥飛滅空望終若斯珠淚不能
雪

江南曲

梁柳惲

汀洲采白蘋日暖江南春洞庭有歸客瀟湘逢故
人故人何不返春華復應晚不道新知樂只言行
路遠

賦得有所思行

梁庾肩吾

佳期竟不歸春物坐芳菲
拂匣看離扇開箱見別
衣并桐生未合宮槐卷復稀
不及銜泥燕從來相
逐飛

憶費昶

梁吳均

皎皎日將上獵獵起微風
山沒清波內帆在浮雲
中直趣珠星北斜開碧海東
故人若思我當念離
根蓬

春日

前人

春從何處來拂水復驚
梅雲障青瑣闥風吹承露
臺美人隔千里羅幃閉不
開無由得共語空對相
思杯

青山

梁何遜

家本青山下愛上青山上
青山不可上一上一惆
悵

春別

梁蕭子顯

翻鸞度燕雙又比翼楊柳
千條共一色但看陌上攜
手歸誰能對此空相憶

岑之元夢韋琳所贈

梁人

迴樓臨絕岸斜月照江湄夜深更漏永長懷思漢
悲

夢見故人

梁徐悱妻劉氏

覺罷方知恨人心定不同誰能對角枕長夜一邊
空

有所思

陳陸系

別念限城闔還思樓上人淚想離前落愁聞別後
新月來疑舞扇花度憶歌塵只看今夜裏那似隔

河津

秋夜獨坐

隋袁朗

危絃斷客心虛彈落驚禽新秋百慮淨獨夜九愁
深枯蓬唯逐吹墜葉不歸林如何悲此曲坐作白
頭吟

見南山夕陽召監師不至 唐宋之間

夕陽黯晴暮山翠互明滅此中意無限要與關士
說徒鬱仲舉思唯迴道林轍孤興欲待誰待此湖

上月

別之望後獨宿藍田山莊 前人

鵲鴿有舊曲調苦不成歌自嘆兄弟少常嗟離別
多爾尋北京路予臥南山阿泉晚更幽咽雲秋尚
嵯峨藥欄聽蟬噪書幌見禽過愁至願甘寢其如
鄉夢何

大堤曲

唐張柬之

南國多佳人莫若大堤女玉牀翠羽帳寶裊蓮花
距魂處白日成色授開心許迢迢心不可見日暮空
愁予

月下有懷

唐孟浩然

秋空明月懸光彩露宿濕驚鵲棲未定飛螢捲簾
入庭槐寒影疎隣杵夜深急佳期曠何許望望空
佇立

南亭懷辛子

前人

山光忽西落池月漸東上散髮乘夕涼開軒臥閒
敞荷風送香氣竹露滴清響欲取鳴琴彈恨無知
音賞感此懷故人中宵勞夢想

宿業師山房待丁公不至 前人

夕陽度西嶺羣壑修已暝松月生夜涼風泉滿清
聽樵人歸欲盡煙鳥棲初定之子期宿來孤琴候
蘿逕

春江花月夜二首

唐張子容

林花發岸口氣色動江新此夜江中月流光花上
春分明石潭裏宜照浣紗人

交甫憐瑤珮仙妃難三星期沈沈綠江晚惆悵碧雲
姿初逢花上月言是弄珠時

擬古

唐李白

涉江弄秋水愛此荷花鮮攀荷弄其珠蕩漾不成
圓佳期彩雲重欲贈隔遠天相思無由見悵望涼
風前

大堤曲

前人

漢水臨襄陽花開大堤暖佳期大堤下淚向南雲
滿春風復無情吹我魂夢散不見眼中人天長音
信斷

望月有懷

前人

清泉映疎松不知幾千古寒月搖清波流光入窻

言宿
戶對此空長吟思君意何深無因見安道興盡愁
人心

憶秋浦桃花舊遊時竄夜郎

前人

桃花春水生白石今出沒搖蕩女蘿枝半搖青天
月不知舊行徑初拳幾枝藤三載夜郎還於茲鍊
金骨

江上秋懷

前人

飡霞臥舊壑散髮謝逖遊山蟬號枯桑始復知天
秋朔鴈別海裔越鶯辭江樓颯颯風卷沙茫茫霧
縈洲黃雲結暮色白水揚寒流惻愴心自悲潏潏
淚難收蘅蘭方蕭瑟長歎令人愁

日夕山中忽然有懷

前人

夕臥青山雲遂爲青山客山深雲更好賞弄終日
夕月銜樓間峯泉漱階下石素心自此得真趣非
外惜鼉啼桂方秋風滅籟歸寂緬思洪崖術欲往
滄海隔雲車來尙遲撫几空歎息

禪房懷友人岑倫

前人

言宿
嬋娟羅浮月搖艷桂水雲美人竟獨往而我安能
羣一朝語笑隔萬里歡情分沈吟綵霞沒楚寐羣
芳歇歸鴻渡三湘遊子在百粵邊塵染衣劔白日
彫華髮春風變楚關秋聲落吳山草木結悲緒風
沙淒苦顏竭來已永久顏思如循環飄飄限江裔
想像空留滯離憂每醉心別淚徒盈袂坐愁青天
末出望黃雲蔽目極何悠悠梅花南嶺頭空長滅
征鳥水闊無還舟寶劔終難託金囊非易求歸來
儻有問桂樹山之幽

暮秋楊子江寄孟浩然

唐劉昫虛

木葉紛紛下東南日煙霜林山相晚暮天海空青
蒼暝色况復久秋聲亦何長孤舟兼微月獨夜仍
越鄉寒笛對京口故人在襄陽詠思勞今夕江漢
遙相望

寓言二首

唐賈至

春草紛碧色佳人曠無期悠哉千里心欲采商山
芝歎息良會晚如何桃李時懷君晴川上佇立夏
雲滋

言宿
凜凜秋閨夕綺羅早知寒玉砧調鳴杵始擣機中
紈憶昨別離日桐花覆井欄今來思君時白露盈
堦溥聞有關河信欲寄雙玉盤玉以委貞心盤以
薦嘉餐嗟君在萬里使妾衣帶寬

宿東谿懷王屋李隱者

唐岑參

山店不鑿井百家同一泉晚來南村黑雨色和人
煙霜畦吐寒菜沙鴈噪河田隱者不可見天壇飛
鳥邊

聞崔十二侍御灌口夜宿報恩寺

前人

聞君尋野寺便宿支公房溪月冷深殿江雲擁回
廊燃燈松林靜煮茗柴門香勝事不可接相思幽
興長

潼關使院懷王七季友

前人

王生今才人時輩咸所仰何當見顏色終日勞夢
想驅車到關下欲往阻河廣滿目徒春華思君罷
心賞開門見太華朝日映高掌忽覺蓮花峯別來
更如長無心顧微祿有意在獨往不負林中期終

當出塵網

青山峽口泊舟懷狄侍御 前人

峽口秋水壯沙邊且停橈奔濤振石壁峯勢如動
搖九月蘆花新彌令客心焦誰念在江島故人滿
天朝無處豁心曾憂來醉能銷往來巴山道三見
秋草彫狄生新相知才調凌雲霄賦詩析造化入
幕生風颺把筆判甲兵戰士不敢驕皆云梁公後
遇鼎還當調一別倏經時音書殊寂寥何當見天
子不嘆鄉關遙

得舍弟消息

唐杜甫

風吹紫荆樹色與春苔庭暮花落辭故枝風回反無
處骨肉恩書重漂泊難相遇猶有淚成河經天復
東注

宿青溪驛奉懷張員外十五兄之緒

前人

漾舟千山內日入泊荒渚我生本飄飄今復在何
許石根青楓林猿鳥聚儔侶月明遊子靜畏虎不
得語中夜懷友朋乾坤此深阻浩蕩前後間佳期

詩宿
身集卷之十八
付荆楚

暮相思

唐韋應物

朝出自不還暮歸花盡發豈無終日會惜此花間
月空館忽相思微鐘坐來歇

秋夜南宮寄澧上二弟及諸生

前人

暝色起煙閣沉抱積離憂况茲風雨夜蕭條梧葉
秋空宇感涼至頽顏驚馬歲周日夕遊闕下山水憶
同遊

擬庭中有奇樹

前人

嘉樹藹初綠靡蕪吐幽芳君子不在賞寄之雲路
長路長信難越惜此芳時歇孤鳥去不還緘情向
天末

江上有懷

唐王適

湛湛江水見底清荷花蓮子傍江生採蓮將欲寄
同心秋風落花空復情權歌數曲如有待正見明
月度東海海上雲盡月蒼蒼萬里分輝滿洛陽洛
陽閨閣夜何央蛾眉嬋娟斷人腸寂寥金屏空自

掩青熒銀燭不生光應憐水宿洞庭子今夕迢迢
天一方

山陰縣西樓

唐孫逖

都邑西樓芳樹間逶迤霽色遶江山山月夜從公
署出江雲晚對訟庭還誰知春色朝朝好二月飛
花滿江草一見湖邊楊柳風遙憶青青洛陽道

江南弄

唐王勃

江南弄巫山連楚夢行雨行雲幾相送瑤軒金谷
上春時玉童仙女無見期紫霧香煙眇難托清風
明月遙相思遙相思草徒綠爲聽雙飛鳳凰曲

望龍山懷道士許法稜

唐劉長卿

心惆悵望龍山雲之際鳥獨還懸厓絕壁幾千丈
綠蘿嫋嫋不可攀龍山高誰能踐靈原中蒼翠晚
嵐煙瀑水如向人終日迢迢空在眼中有一人披
霓裳誦經山頂餐瓊漿空林閒坐獨焚香真官列
侍儼成行朝入青霄禮玉堂夜掃白雲眠石牀桃
花洞裏居人滿桂樹山中住日長龍山高高遙相
望

各東西

唐張籍

遊人別一東復一西出門相背兩不返惟信車輪
與馬蹄道路悠悠不知處山高海闊誰辛苦遠遊
不定難寄書日日空尋別時語浮雲上天雨墮地
暫時會合終離異我今與子非一身安得死生不
相弃

有所思

唐盧仝

當時我醉美人家美人顏色嬌如花今日美人弃
我去青樓珠箔天之涯娟娟嫦娥月三五二八盈
又缺翠眉蟬鬢生別離一望不見心斷絕心斷絕
幾千里夢中醉臥巫山雲覺來淚滴湘江水湘江
兩岸花木深美人不見愁人心含愁更奏綠綺琴
調高絃絕無知音美人兮美人不知爲莫雨兮爲
朝雲相思一夜梅花發忽到窻前疑是君

月夜有懷簡諸同病

唐駱賓王

閒庭落景盡疎簾夜月通山靈響似應水淨望如
空樓枝猶繞鵲遵渚未來鴻可歎高樓婦悲思香
難終

言宿
春日懷歸

唐杜審言

心是傷歸望春歸異往年
河山覽魏關桑梓憶秦川
花雜芳園鳥風和綠野煙
更懷歡賞地車馬洛橋邊

望月懷遠

唐張九齡

海上生明月天涯共此時
情人怨遙夜竟夕起相思
滅燭憐光滿披衣覺露滋
不堪盈手贈還寢夢佳期

初秋憶金均兩弟

前人

江渚秋風至他鄉離別心
孤雲愁自遠一葉感何深
憂喜嘗同域飛鳴或異林
青山西北望堪作白頭吟

閒園懷蘇子

唐孟浩然

林園雖少事幽獨自多
違向夕開簾坐庭陰落葉
微鳥從煙樹宿螢傍水軒
飛感念同懷子京華去不歸

桂席江上待月有懷

唐李白

待月月未出望江江自流
倏忽城西郭青天懸玉

言宿
鈎素華雖可攬清景不同遊耿耿金波裏空瞻鵲
鵲樓

待儲光義不至

唐王維

重門朝已啓起坐聽車聲要欲聞清佩方將出戶
迎晚鐘鳴上苑疎雨過春城了自不相顧臨堂空
復情

江行夜宿龍吼灘臨眺思峨眉隱者兼寄幕

中諸公

唐岑參

官舍臨江口灘聲已慣聞水煙晴吐月山火夜燒

雲且欲尋方士無心戀使君異鄉何可住况復久
離羣

春日懷李白

唐杜甫

白也詩無敵飄然思不羣清新庾開府俊逸鮑參
軍渭北春天樹江東日暮雲何時一樽酒重與細
論文

天末懷李白

前人

涼風起天末君子意如何鴻鴈幾時到江湖秋水
多文章憎命達魑魅喜人過應共冤魂語投詩贈

汨羅

冬日有懷李白

前人

寂寞書齋裏終朝獨爾思
更尋嘉樹傳不忘角弓
詩袒褐風霜入還丹日月遲
未應乘興去空有鹿
門期

憶鄭南玘

前人

鄭南伏毒寺瀟灑到江心
石影銜珠閣泉聲帶玉
琴風杉曾曙倚雲嶠憶春臨
萬里蒼茫水龍蛇只
自深

峽隘

前人

聞說江陵府雲沙靜眇然
白魚如切玉朱橘不論
錢水有遠湖樹人今何處
船青山各在眼却望峽
中天

江閣對雨有懷行營裴二端公

前人

南紀風濤壯陰晴屢不分
野流行地日江入度山
雲層閣憑雷殷長空面水
文雨來銅柱北應洗伏
波軍

詩宿
月夜憶舍弟

前人

戍鼓斷人行邊秋一鴈聲露從今夜白月是故鄉
明有弟皆分散無家問死生寄書常不達况乃未
休兵

第五弟豐獨在江左近三四載寂無消息竟

使寄此二首

前人

亂後嗟吾在羈棲見汝難草黃驥驥病沙煖鵲鴉
寒楚設關城險吳吞水府寬三年朝夕淚衣袖不
曾乾

聞汝依山寺杭州定越州風塵淹別日江漢失清
秋影著啼猿樹魂飄結蜃樓明年下春水東盡白
雲求

憶弟

前人

且喜河南定不問鄴城圍百戰今誰在二年望汝
歸故園花自發春日鳥還飛斷絕人煙久東西消
息稀

得舍弟消息二首

前人

近有平陰信遙憐舍弟存側身千里道寄食一家

言宿
村烽舉新酣戰啼垂舊血痕不知臨老日招得幾
人魂

汝懦歸無計吾衰往未期浪傳烏鵲喜深負鵲鴝
詩生理何顏面憂端且歲時兩京三十口雖在命
如絲

同王徵君洞中有懷

唐張謂

八月洞庭秋瀟湘水北流還家萬里夢爲客五更
愁不用開書帙偏宜上酒樓故人京洛滿何日復
同遊

登凌湖亭傷春懷京師故舊

唐獨孤及

昨日看搖落驚秋方怨谷幾經開口笑復及看花
時世事空名束生涯素髮知山山春草滿何處不
相思

秋興

唐皇甫曾

流螢與落葉秋晚共紛紛返照城中盡寒砧雨外
聞離人見衰鬢獨鶴暮何羣楚客在千里相思看
碧雲

言宿
集宿姚侍御宅懷永樂宰殷侍御

唐馬戴

石田虞芮接種樹白雲陰穴閉神踪古河流禹鑿
深樵人應滿郭仙鳥幾巢林此會偏相語曾供雪
夜吟

章臺夜思

唐韋莊

清瑟怨遙夜繞絃風雨哀孤燈聞楚角殘月下章
臺芳草已云暮故人殊未來鄉書不可寄秋鴈又
南迴

春日京中有懷

唐杜審言

今年遊寓獨遊秦愁思看春不當春上林苑裏花
徒發細柳營前葉漫新公子南橋應盡興將軍西
地幾留賓寄語洛城風日道明年春色倍還人

恨別

唐杜甫

洛城一別四千里胡騎長驅五六年草木變衰行
劍外兵戈阻絕老江邊思家步月清宵立憶弟看
雲白晝眠聞道河陽近乘勝司徒急爲破幽燕

所思

前人

苦憶荆川醉司馬謫官樽酒定常開九江日落醒
何處一柱觀頭眠幾迴可憐懷抱向人盡欲問平
安無使來故馮錦水將雙淚好過瞿塘灩澦堆

七盤路阻寇聞李端公先到南楚

唐錢起

日暮窮途淚滿襟雲天南望羨飛禽阮腸暗與孤
魂斷江水遙連別恨深明月既能通憶夢青山何
用隔同心秦楚眼看成絕國相思一寄白頭吟

宿淮浦憶司空文明

唐李端

愁心一倍長離憂夜思千重戀舊遊秦地故人成
遠夢楚天涼雨在孤舟諸溪近海潮皆應獨樹邊
淮葉盡流別恨轉深何處寫前程惟有一登樓

津亭

唐胡宿

津亭欲闕戒崇舟五兩風來不暫留西北浮雲連
魏闕東南初日滿秦樓層城渺渺人傷別芳草淒
淒客倦遊平樂舊歡收不得更馮飛夢到瀛洲
始背洛城秋郊矚目奉懷臺中諸侍御

唐蘇味道

薄遊忝霜署直指飛冰心荔浦方南紀衡臬暫北
臨山晴關塞斷川暮廣城陰場圃通圭甸溝塍礙
石林野童來捃拾田叟去謳吟蟋蟀秋風起蒹葭
晚露深帝城猶鬱鬱征傳幾駸駸迴憶披書地勞
歌謝所欽

寒夜思友二首

唐王勃

雲間征思斷月下歸愁切鴻鴈西南飛如何故人
別

朝朝翠山下夜夜蒼江曲復此遙相思清尊湛芳

綠

林塘懷友

前人

芳屏畫春草僊杼織朝霞何如山水路對面卽飛
花

憶東山

唐李白

我今攜謝妓長嘯絕人羣必以報東山客開關掃白
雲

王孫遊

唐崔國輔

自與王孫別頻看黃鳥飛應由春草誤著處不成

歸

衛豔詞

前人

淇上桑葉青青樓含白日比時遙望君車馬城中出

小長干曲

前人

月暗送潮風相尋路不通菱歌唱不徹知在此塘中

憶長安曲二章寄龐灌

唐岑參

東望望長安正值日初出長安不可見喜見長安

日

長安何處在只在馬蹄下明日歸長安爲君急走馬

同諸公有懷

唐皇甫冉

舊國迷江樹他鄉近海門移家南渡久童稚解方言

憶番陽舊遊

唐顧況

悠悠南國思夜向江南泊楚客斷腸時月明楓子落

詞宿
視刀環歌

唐劉禹錫

常恨言語淺不如人意深今朝兩相視脉脉萬重心

長安早春懷江南

唐許渾

雲月有歸處故山清洛南如何一花發春夢徧江潭

春懷舊遊

唐雍陶

吟想舊經過花時奈遠何別離長似見春夢入關多

峨眉山月歌

唐李白

峨眉山月半輪秋影入平羌江水流夜發清溪向三峽思君不見下渝州

一日書

唐張旭

春草青青萬里餘邊城落日見離居情知海上三年別不寄雲間一紙書

失題

唐李頎

紫極殿前朝伏奏龍花會裏日相望別離歲歲如流水誰辨他鄉與故鄉

春夢

唐岑參

洞房昨夜春風起
遙憶美人湘江水
枕上片時春
夢中行盡江南數千里

海上憶洛中舊遊

唐獨孤及

涼風臺上三峯月
不夜城邊萬里沙
離別莫言關
塞遠
夢魂長在子陵家

春思

唐韋應物

野花如雪繞江城
坐見羊芳憶帝京
閭闔曉開凝
碧樹曾陪鴛鴦鷺
聽流鶯

移家別湖上亭

唐戎昱

好是春風湖上亭
柳條藤蔓繫離情
黃鸝久住渾
相識欲別頻啼四五聲

柳枝詞

唐劉禹錫

春江一曲柳千條
二十年前舊板橋
記得美人橋
上別更無消息到今朝

竹枝詞

唐李涉

十二峯頭月欲低
空灑灘上子規啼
孤舟一夜東
歸客泣向西風憶建溪

秋歸思

唐張仲素

秋天一夜靜無雲
斷續鴻聲到曉聞
欲寄征人問消息
居延城外又移軍

秋思

唐許渾

琪樹西風枕簟秋
楚雲湘水憶同遊
高歌一曲掩明鏡
昨日少年今白頭

懷吳中馮秀才

唐杜牧

長洲苑外草蕭蕭
却等遊程歲月遙
惟有別時今不忘
暮煙秋雨過楓橋

黃陵廟

唐李羣玉

黃陵廟前莎草春
黃陵女兒茜裙新
輕舟短櫂唱歌去
水遠山長愁殺人

小樓懷靈一上人

唐皇甫冉

江上年年春草津
頭日日人行借問
山陰遠近猶聞薄
暮鐘聲

尋訪類

入茅山尋桓清遠題壁

梁蕭綸

荆門丘壑多巖牖
風雲入自非棲遁
情誰堪霜露

濕

尋周處士弘讓

梁庾肩吾

試逐赤松遊披林對一丘梨紅大谷晚桂白小山
秋石鏡菱花發桐門琴曲愁泉飛疑度雨雲積似
重樓王孫若不去山中定可留

還草堂尋處士弟

陳周弘正

四時易荏苒百齡倏將半故老多零落山僧盡凋
散宿樹倒爲杳舊水侵成岸幽尋屬令弟依然歸
舊館感物自多傷况乃春鶯亂

夏晚尋于政世置酒賦韻 隋陳子良

聊從嘉遁所酌醴共抽簪以茲山水地留連風月
心長榆落照盡高柳暮蟬吟一返桃源路別後難
追尋

王迴見尋

唐孟浩然

歸閒日無事雲臥晝不起有客歛柴扉白云巢居
子居閒好芝朮採藥來城市家在鹿門山常遊澗
澤水手持白羽扇脚步青芒履聞道鶴書徵臨流
還洗耳

言宿
尋高鳳石門山中元丹丘 唐李白

尋幽無前期乘興不覺遠
蒼崖渺難涉白日忽欲
晚未窮三四山已歷千萬轉
寂寂聞猿愁行行見
雲收高松上好月空谷宜清秋
谿深古雪在石斷
寒泉流峯巒秀中夫登眺不可盡
丹丘遙相呼顧
我忽而哂遂造窮谷間
始知靜者閒留歡達永夜
清曉方言還

過汪氏別業

前人

遊山誰可遊子明與浮丘
丘壘嶺礙河漢連峯橫斗
牛汪生面北阜池館清且幽
我來感意氣槌炮列
珍羞掃石待歸月開池漲
寒流酒酣益爽氣爲樂
不知秋

夜泛洞庭尋裴侍御清酌 前人

日晚湘水淥孤舟無端倪
明湖漲秋月獨泛巴陵
西遇憩裴逸人巖居凌丹梯
抱琴出深竹爲我彈
鷓鴣曲盡酒亦傾北窻醉如泥
人生且行樂何必
組與珪

尋魯城北范居士失道落蒼蒼耳中見范置酒

摘蒼耳作

前人

鴈度秋色遠日盡無雲時客心不自得浩漫將何
之忽憶范野人閉園養幽姿茫然起逸興但恐行
來遲城壕失往路馬首迷荒陂不惜翠雲裘遂爲
蒼耳欺入門且一笑把臂君爲誰酒客愛秋蔬山
盤薦霜梨他筵不下筯此席忘朝饑酸棗垂北郭
寒瓜蔓東籬還傾四五酌自詠猛虎詞近作十日
歡遠爲千載期風流自簸蕩謔浪偏相宜酣來上
馬去却笑高陽池

夏日李公見訪

唐杜甫

遠林暑氣薄公子過我遊貧居類村塢僻近城南
樓傍舍頗淳朴所願亦易求隔屋喚西家借問有
酒不牆頭過濁醪展席俯長流清風左右至客意
已驚秋巢多衆鳥鬪葉密鳴蟬稠苦遭此物聒孰
謂吾廬幽水花晚色靜庶足充淹留預恐罇中盡
更起爲君謀

喜韓樽相過

唐岑參

三月灞陵春已老故人相逢耐醉倒甕頭春酒黃

詩宿
身集卷之十八
四十四
花脂祿米只充酤酒資長安城中足年少獨共韓
侯開口笑桃花點地紅斑斑有酒留君且莫還與
君兄弟日攜手世上虛名好是閒

偃師東與韓樽同詣景雲暉上人卽事

前人

山陰老僧解楞伽潁陽歸客遠相過煙深草濕昨
夜雨雨後西風度漕河空山終日塵事少平郊遠
見行人小尚書磧上黃昏鐘別駕渡頭一歸鳥
因省風俗訪處士姪不見題壁

唐韋應物

去年澗水今亦流去年杏花今已折山人卻歸來
問誰還是去年行春客

明月灣尋賀九不遇

唐劉長卿

楚水日夜綠傍江春草滋青青遙滿目萬里傷心
歸故人川上復何之明月灣南空所思故人不在
明月在誰見孤舟來去時

尋張五迴夜園作

唐孟浩然

聞就龐公隱移居近洞湖興來林是竹歸臥谷名

言宿
愚挂席樵風便開軒琴月孤歲寒何用賞霜露故
園蕪

裴司士見尋

前人

府僚能枉駕家醞復新開落日池上酌清風松下
來廚人具雞黍稚子摘楊梅誰道山翁醉猶能騎
馬回

千塔主人

唐王維

逆旅逢佳節征帆未可前窗臨汴河水門渡楚人
船雞犬散墟落桑榆陰遠田所居人不見枕席生

雲煙

晚春嚴少尹與諸公見過 前人

松菊荒三徑圖書共五車烹葵邀上客看竹到貧
家雀乳先春草鶯啼過落花自憐黃髮暮一倍惜
年華

黎拾遺昕裴秀才迪見過秋夜對雨之作

前人

促織鳴已急輕衣行向重寒燈坐高館秋雨聞疎
鐘白法調狂象玄言問老龍何人顧蓬徑空愧求

羊蹤

尋廬山崔徵君

唐丘爲

日高雞犬靜門掩向寒塘
夜竹深茆宇秋庭冷石
牀住山羊已遠服藥壽
偏長虛棄浮生者相逢益
自傷

攜琴酒尋閭防崇濟寺所居僧院

唐岑參

相訪但尋鐘門寒古殿
松彈琴醒暮酒卷幔引諸
峯事愜林中語人幽物外蹤
吾廬幸接近茲地興

偏慵

尋陽七郎中卽事

前人

萬事信蒼蒼機心久已忘
無端來出守不是厭爲
郎雨滴芭蕉赤霜催橘子黃
逢君開口笑何處有
他鄉

高冠谷招鄭鄠

前人

谷口來相訪空齋不見君
澗花然暮雨潭樹暖春
雲門徑稀人跡蒼崖下鹿羣
衣裳與枕席山靄碧
氛氳

過南鄰朱山人水亭

唐杜甫

相近竹參差相過人不知幽花歛滿樹小水細通
池歸客村非遠殘樽席更移看君多道氣從此數
追隨

九月一日過孟十二倉曹十四主簿兄弟

前人

藜杖侵寒露蓬門啓曙煙力稀經樹歇老困撥書
眠秋覺追隨盡米因孝友偏清談見滋味爾輩可
忘年

過客相尋

前人

窮老真無事江山已定居地幽忘盥櫛客至罷琴
書挂壁土移筐果呼兒問煮魚時聞繫舟楫及此問
吾廬

碧澗別墅喜皇甫侍御相訪

唐劉長卿

荒村帶晚照落葉亂紛紛古路無行客空山獨見
君野橋經雨斷澗水向田分不爲憐同病何人到
白雲

雨中過袁稷巴陵山居

前人

憐君洞庭上白髮向人垂積雨悲幽獨長江對別
離牛羊歸故道鳥雀聚寒枝明發遙相望雲山不
可知

喜外弟盧綸訪宿

唐司空曙

靜夜四無鄰荒居舊業貧雨中黃葉樹燈下白頭
人以我獨沉久媿君相見頻平生自有分况是霍
家親

尋陸羽不遇

唐白居易

移家雖帶郭野徑入桑麻近種籬邊菊秋來未著
花扣門無犬吠欲去問西家報道山中出歸來每

日斜

春日與裴迪過新昌里訪呂逸人不遇

唐王維

桃源面面絕風塵柳市南頭訪隱淪到門不敢題
凡鳥看竹何須問主人城外青山如屋裏東家流
水入西鄰閉戶著書多歲月種松皆作老龍鱗

賓至

唐杜甫

言宿
幽棲地僻經過少老病人扶再拜難豈有文章驚
海內謾勞車馬駐江干竟日淹留佳客坐百年麤
糲腐儒餐不嫌野外無供給乘興還來看藥欄

嚴中丞枉駕見過

前人

元戎小隊出郊坰問柳尋花到野亭川合東西瞻
使節地分南北任流萍扁舟不獨如張翰皂帽應
兼似管寧寂寞江天雲霧裏何人道有少微星

張芬見訪郊居作

唐皇甫曾

林中雨散早涼生已有迎秋促織聲三徑荒蕪羞
對客十年衰老愧稱兄愁心自惜江離晚世事方
看木槿榮君若罷官攜手去尋山莫計白雲程

西山尋辛諤

唐子孟浩然

漾舟尋水便因訪故人居落日清川裏誰言獨羨
魚石潭窺洞徹沙岸歷紆餘竹嶼見垂釣茆齋聞
讀書欵言忘景夕清興屬涼初回也一瓢飲賢哉
常晏如

檀谿尋故人

前人

花伴成龍竹池分躍馬谿田園人不見疑向洞中

樓

尋隱者不遇

唐賈島

松下問童子言師採藥去
只在此山中雲深不知處

草堂村尋羅生不遇

唐岑參

數株溪柳色依依深巷斜陽暮
鳥飛門前雪滿無人迹
應是先生出未歸

三日尋李九莊

唐常建

雨歇楊林東渡頭
永和二日盪輕舟
故人家在桃

花岸直到門前谿水流

尋山家

唐長孫佐輔

獨訪山家歇還涉茅屋斜連隔
松葉主人聞語未開門
繞籬野菜飛黃蝶

訪隱者不遇

唐李商隱

城郭休過識者稀
哀猿啼處有柴扉
滄江白石漁樵路
日暮歸來雨滿衣

尋張逸人山居

唐劉長卿

危石纔通鳥道空
山別有人家
桃源定在何處澗

詩
水浮來落花

會遇類

左傳引周諺

古逸

山有木工則度之賓有禮主則擇之

相逢行

漢樂府

相逢狹路間道隘不容車不知何年少夾轂問君家君家誠易知易知復難忘黃金爲君門白玉爲君堂堂上置樽酒作使邯鄲倡中庭生桂樹華燈何煌煌兄弟兩三人中子爲侍郎五日一來歸道

上自生光黃金絡馬頭觀者盈道傍入門時左顧但見雙鴛鴦鴛鴦七十二羅列自成行音聲何啗啗啗鶴鳴東西廂大婦織綺羅中婦織流黃小婦無所爲挾瑟上高堂丈人且安坐調絲方未央

雜詩

魏嵇康

微風清扇雲氣四除皎皎亮月麗于高隅興命公子攜手同車龍驥翼翼揚鑣踟躕肅肅宵征造我友廬光燈吐輝華幔長舒鸞觴酌醴神鼎烹魚絃超子野歎過綿駒流詠太素俯讚玄虛孰克英賢

言宿
與爾剖符

門有車馬客行

晉陸機

門有車馬客駕言發故鄉念君久不歸濡跡涉江
湘投袂赴門塗攬衣不及裳拊膺攜客泣掩淚敘
溫涼借問邦族間惻愴論存亡親友多零落舊齒
皆彫喪市朝互遷易城闕或丘荒墳壠日月多松
栢鬱芒芒天道信崇替人生安得長慷慨惟平生
俛仰獨悲傷

贈郭桐廬出谿口見候余既未至郭仍進村

維舟久之郭生方至

梁任昉

朝發富春渚蓄意恣相思
逐令行春返冠蓋溢川
坻望义方來萃悲歡不自持
滄江路窮此湍險方
自茲疊嶂易成響重以夜猿悲
客心幸自弭中道
遇心期親好自斯絕孤遊從此辭

門有車馬客行

陳張正見

飛觀霞光啓重門平日開北闕高箱過東方連騎
來紅塵揚翠轂赭汗染龍媒
桃花夾逕聚流水傍
池回投鞭聊靜電捐軫暫停雷
非觀萬里客自有

六奇才琴和朝雉操酒泛夜光杯舞袖飄金谷歌
聲繞鳳臺良時不可再騶馭鬱鬱相催安知太行道
失路車輪摧

金陵江上遇蓬池隱者 唐李白

心愛名山遊身隨名山遠羅浮麻姑臺此去或未
返遇君蓬池隱就我石上飯空言不成歡強笑昔
日晚淶水向鴈關菑雲蔽龍山歎息兩客鳥徘徊
吳越間一語一執手留連夜將久解我紫綺裘且
換金陵酒酒來笑復歌興酣樂事多水影弄月色
清光奈愁何明晨挂帆席離恨滿滄波

門有車馬客行 前人

門有車馬賓金鞍耀朱輪謂從丹青落乃是故鄉
親呼兒掃中堂坐客論悲辛對酒兩不飲停觴淚
盈巾歎我萬里遊飄飄三十春空談霸王略紫綬
不挂身雄劍藏玉匣陰符生素塵廓落無所合流
離湘水濱借問宗黨間多爲泉下人生苦百戰役
死託萬鬼鄰北風揚胡沙埋翳周與秦大運且如
此蒼穹寧匪仁惻愴竟何道存亡任大鈞

宋中遇林慮楊十七山人因而有別

唐高適

昔余涉漳水驅車行鄴西遙見林慮山蒼蒼夏天
倪邂逅逢爾曹說君彼巖棲蘿徑垂野蔓石房倚
雲梯秋韭何青青藥苗數百畦栗林隘谷口栝樹
木林迴溪耕耘有山田紡績有山妻人生苟如此何
必組與珪誰謂遠相訪曩情殊不迷簷前舉醇醪
竈下烹隻雞朔風忽振蕩昨夜寒將啼遊子益思
歸罷琴傷解攜出門盡原野白日黯已低始驚馬道

路難終念言笑睽因聲謝岑壑歲暮一攀躋

長安遇馮著

唐韋應物

客從東方來衣上灞陵雨問客何爲來採山因買
斧冥冥花正開颺颺燕新乳昨別今已春鬢絲生
幾縷

冬末以事之東都湖城遇孟雲卿復歸劉顥
宅宿宴飲散因爲醉歌

唐杜甫

疾風吹塵暗河縣行子隔手不相見湖城城南一
開眼駐馬偶識雲卿面况非劉顥爲地主嬾迴鞭

言宿
身集卷之十一
轡成高宴劉侯歡我攜客來置酒張燈促華饌且
將款曲終今夕休語艱難尚酣戰照室紅爐促曙
光縈窗素月垂文練天開地裂長安陌寒盡春生
洛陽殿豈知驅車復同軌可惜刻漏隨更箭人生
會合不可常庭樹雞鳴淚如綫

宿洄溪翁宅

唐元結

長松萬株繞茆舍惟石寒泉近簷下老翁八十猶
能行將領兒孫行蒔稼吾羨老翁居處幽吾愛老
翁無所求時俗是非何足道得似老翁吾即休

永嘉上浦館逢張八子容 唐孟浩然

逆旅相逢處江村日暮時衆山遙對酒孤嶼共題
詩解宇鄰鮫室人煙接島夷鄉關萬餘里失路一
相悲

臨渙裴明府席遇張十一房六

前人

河縣柳林邊河橋晚泊船文叨才子會官喜故人
連笑語同今夕輕肥異往年晨風理歸櫂吳楚各
依然

除夜樂城逢孟浩然

唐張子容

遠客襄陽郡來過海岸家尊開栢葉酒燈發九枝花妙曲逢盧女高才得嘉東山行樂意非是競繁華

若耶溪逢孔九

唐綦毋潛

相逢此溪曲託勝在煙霞潭影竹間動峰陰簷外斜人言上皇代犬吠武陵家借問淹留日春風滿若耶

鄭果州相遇

唐王維

麗日照殘春初晴草木新牀前磨鏡客樹裏灌園人五馬驚窮巷雙童逐老身中廚辦麕飯當窓阮家貧

淮上遇洛陽李主簿

唐韋應物

結茅臨古渡臥見長淮流窻裏人將老門前樹已秋寒山獨過鴈暮雨遠來舟日夕逢歸客那能忘舊遊

逢莊訥因贈

唐皇甫冉

世故還相見天涯共向東春歸江海上人老別離

言石
身集卷之十一
五十七
中郡吏名何晚沙鷗道自同甘泉須早獻且莫嘆
飄蓬

江上逢司空曙

唐李端

共有髻年故相逢萬里餘新春兩行淚故國一封
書夏口帆初泊潯陽鴈已疎唯當執杯酒暫食漢
江魚

巴陵改郭逢洛陽故人

唐耿湜

因君知世事流浪已忘機久客多人識高年衆病
歸連雲湖色遠度雪鴈聲稀又說家林盡悽傷淚

滿衣

夜行次東關逢魏扶東歸

唐許渾

南北斷蓬飄長亭酒一瓢殘雲歸太華疎雨過中
條樹色隨關迴河聲入塞遙勞歌此分首風急馬
蕭蕭

客至

唐杜甫

舍南舍北皆春水但見羣鷗日日來花徑不曾緣
客掃蓬門今始爲君開盤飧市遠無兼味尊酒家
貧只舊醅肯與鄰翁相對飲隔離呼取盡餘杯

燕李錄事

唐韋應物

與君十五侍皇闈，曉拂爐煙上赤墀。
花開漢苑經過處，雪下驪山沐浴時。
近臣零落今猶在，仙駕飄颻不可期。
此日相逢思舊日，一杯成喜又成悲。

夏夜宿表兄宅話舊

唐竇叔向

夜合花開香滿庭，夜深微雨醉初醒。
遠書珍重何曾達，舊事淒涼不可聽。
去日兒童皆老大，昔年親友半凋零。
明朝又是孤舟別，愁見河橋酒幔青。

江上暫別蕭四劉三旋欣接遇

唐陳子昂

昨夜滄江別，言乖天漢遊。
寧期此相遇，尚接武陵洲。
結綬還逢育，銜杯且對劉。
波潭一瀾瀾，臨望幾悠悠。
山水丹青雜，煙雲紫翠浮。
終愧神仙友，來接野人舟。

遇荊州崔兵曹使

前人

輜軒鳳凰使，林藪鷓鴣冠。
江湖一相許，雲霧坐交懽。
興盡崔亭伯，言忘釋道安。
秋光稍欲暮，歲物已將闌。
古樹蒼煙斷，虛亭白露寒。
琴中山水曲，今日

言宿
五十九
爲君彈

相逢行

唐崔顥

妾年初二八家住洛橋頭玉戶臨馳道朱門近御
溝使君何暇問夫壻大長秋女弟新承寵諸兄近
拜侯春生百子殿花發五城樓出入千門裏年年
樂未休

鄭駙馬池臺喜遇鄭廣文同飲

唐杜甫

不謂生戎馬何知共酒杯燃臍郿塢敗握節漢臣

回白髮千莖雪丹心一寸灰別離經死地披寫忽
登臺重對秦箏蕭發俱過阮宅來醉留春夜舞淚落
強徘徊

宿畢侍御宅

唐錢起

交情貧更好子有古人風晤語清霜裏平生苦節
同心唯二仲合室乃一瓢空落葉寄秋菊愁雲低
夜鴻薄寒燈影外殘漏雨聲中明發南昌去回首
御史驄

見京兆韋參軍量移東陽 唐李白

言石
潮水還歸海流人却到吳相逢問愁苦淚盡日南
珠

出妓金陵子呈盧六 前人

東道煙霞主西江詩酒筵相逢不覺醉日墮歷陽
川

長干行二首 唐崔顥

君家住何處妾住在橫塘停船暫借問或恐是同
鄉

家臨九江水來去九江側同是長干人生小不相

識

洛陽客舍逢祖詠留宴 唐蔡希寂

綿綿鐘漏洛陽城客舍負居絕送迎逢君貰酒因
成醉醉後焉知世上情

遇劉五 唐李頎

洛陽一別梨花新黃鳥飛飛逢故人攜手當年共
爲樂無驚蕙草惜殘春

使還七里灘上逢薛承規赴江西題

唐劉長卿